

Kristo da Gen Pasili Jon do Panjalon Anj Imgut

But piso gen

On papia Jon da mandagit. Unjun Jon dagin Gen Bin Tagisi gat ae 1 Jon, 2 Jon, ae 3 Jon kisi mandagit.

On papia unjun amin da Yesu yolyol amin madepsi panjupbal awit bisapmon Jon da mandagit. Yo yokwisi anj yongwit, nido Yesu yolyol amin unjun Yesu Kristo do Amin Taginin yanjsi nandan gadan imgwit. On papia da Yesu yolyol amin dakon nandan gadatni panjeban anjakwan jigi madep unjun da dima pabinj yopjak yanj do yosok.

On papia da yo don noman tokdan unjun do tilak gen morapmi yosok. Yesu yolyol amin unjun bisapmon egipgwit unjun da tilak gen nandan pisawit, mani nandan gadatni mini amin dima nandawit. Tilak gen unjun dakon mibili unjun yanj: Yesu Kristo unjun Amin Tagi, ae unjun da kisiron da Pinjkop da uwalni kisi morap pabinj yopdisak, anjek Sunduk yo kisi abinj yipdisak. Anjek Yesu pini anj mudosak bisapmon Pinjkop da minjat aminyo tebaisi agek nandan gadatni dima yipmanj dekgwit amin do tomni yomdisak. Anjakwan Pinjkop gat egek ae sanjbenjek jigi dima pakdan, nido Pinjkop da yo morap aeni panjkaluk anj mudokdisak.

Yesu Kristo da panjmuwukbi 7 kabi do gen yipgut
(Kilapmi 1-3)

¹ Gen on pasili tawit, banj Yesu Kristo da panjalon agit. Yesu da oman monjini yolisak do Pinjkop da imgut. Yo unjun tepmisi altokdan. Yesu da anjloni yabekban abinj

pi monjini nak Jonon gen on nayigit. Nak da pi monjini diwari yolikerj yanon da nayigit. ² Yo morap noligit unun bamisi pindakgim. Piŋkop dakon gen ae Yesu Kristo dakon gen unun bamisi.

³ Piŋkop yo morap noman toni do yagit unun dakon bisap kwanj tosok, do amin kinda da on kombi gen paŋmuwukbi do manjiŋ yomjak kaŋ, unun kisik kisik tagi asak. Ae gen on mandabi unun nandanjek guramitni amin, ununyo kisi kisik kisik ani.

Jon da paŋmuwukbi 7 kabi do gen mandagit

⁴ Nak Jon da paŋmuwukbi 7 kabi Esia Provinskon ekwanj ji do gen on mandisat. Piŋkop abisok egisak, ae kalipsigwan egipgut, ae don egipdisak unun da nandanj yawok damaŋakwan butji yawori tosak. Ae wup 7 kabi Piŋkop dakon kila amin madep yityit tamo da inamon ekwanj ununyo kisi da nandanj yawok damaŋakwan butji yawori tosak. ⁵ Yesu Kristo, Piŋkop dakon gen bamisi yanj tenjok amin, unun kimoron da mibiltanj pidagit. Ae unun kila amin madep morap miktimon ekwanj unun dakon Amin Tagini. Unun kisi da but yawot nandanj damaŋakwan butji yawori tosak.

Yesu da nin but dasi galak tanj nimisak, ae iyi dakon yawi da yokwinin wiririk mudagit. ⁶ Yanj anjek nin unun gat amin kila anej do manjiŋ nipgut, ae iyi dakon Piŋkop ae Datni unun dakon oman anej do mukwa sogok amini egipnej do manjiŋ nipgut. Bisap mudok mudogi mini Yesu Kristo dakon tilimni ae tapmim madepni tanj imdisak. Unun asi.

⁷ Koni. Unun gikwem gat kisi apdisak. Abiŋakwan amin morap kisi da dabil da kokdanj. Amin morap Yesu sugawit

1:3: PA 22.7,10 **1:4:** TP 3.14-15; PA 3.1; 4.5 **1:5:** Kap 89.27; Kol 1.18

1:6: 1Pi 2.9; PA 5.10; 20.6 **1:7:** Dan 7.13; Sek 12.10; Mt 24.30; Jn 19.34-37;

1Tes 4.17

uñun kisi da kokdañ. Anakwa amin morap miktimon ekwan kisi da uñun do nandañek kunam bupmiyo madepsi akdañ. Asi, yo morap uñun altañ mudokdañ. Uñun asi.

⁸ Amin Tagi Piñkop Tapmim Ami, abisok egisak, ae kalipsigwan egipgut, ae don apdisak, uñun da yañ yosok, “Nak Wasok Wasoksi ae Mibisi egisat.”

Jon da Kristo kagit

⁹ Nak Jon, ji dakon notji. Nin Yesu dakon amin kabi, ae Piñkop da Amin Kila Asak uñun da kagagwan kalonji ekwamañ, do but yaworon da jigi ae tepmiyo kalonji pamañ. Pañek kisin da dima alek tañek tebai akgamañ. Nak Piñkop dakon gen yañ teñtejañek, “Nak Yesu nandañ gadañ imisat” yañ yagim, do añek nak abidañ tap binap miktim tim Patmos uñudon nepgwit da egisat. ¹⁰ Amin Tagi dakon gildatni Sondakon, Telagi Wup da butnokon pigi madepsi tugagit. Anakwan manjinokon nandañapbo amin kinda gen madepsi yañ tidañek kweñ da yañ yagit. ¹¹ Uñun amin da yañ yagit, “Yo morap pindakdal uñun papiakon mandañ yopbi pañmuwukbi 7 kabi do kini. Mandañ yopbi pañmuwukbi Epesas kokup papmon ekwan, ae Smena, ae Pegamum, ae Taitaira, ae Sadis, ae Piladelpia ae Laodisia do kini.”

¹² Yanban nak gen nayigit amin uñun kok do tobilgim. Tobilek teñteñi tamo gol bañ wasañbi 7 kabi pindakgim.

¹³ Uñun da binapmon
 “amin dakon monji yombem kinda”
 akban kagim. Uñun imal dubakni paban pigi kandapni kisi witjigit. Añek nap kinda gol bañ wasañbi nañ pibirikon angwasañek wamgut. ¹⁴ Busuñi ae busuñ dangwani uñun kwakwagisi, sipsip dakon dangwan ae gik

sitnaŋ yombem. Ae dabilni kindap tebaisi sosonŋ unun yombem. ¹⁵ Kandapni unun tenŋenisi ain kinda mani bras kindapmon sosonŋ unun yombem. Ae tekni nandagim unun pakbi madepsi pokgonŋ unun dakon wiwik yombem. ¹⁶ Kisiri amin tet da gik 7 kabi timikgit. Ae emat agak siba geni teri teri ae geni tepmisi unun gen kaganigwan da pawinŋ tagit. Gildat da tebaisi wisisak unudenŋ tomno dabilni madepsi tenŋenagit.

¹⁷ Nak unun kaŋek kandapnikon maŋ pakek amin kimakbi da yaŋ pakgim. Pagapbo kisitni amin tet da kwenokon witjinŋek yaŋ yagit, “Dima pasolgi. Nak Wasok Wasoksi ae Mibisi egisat. ¹⁸ Nak Egip Egip Egisat Amin. Nak kimakgim, mani koki, nak egip egip dagok dagogi mini egi aŋaŋ kisasat. Kimot dakon yoma witdal, ae amin kili kimakgwit unun dakon kokup dakon yoma witdal kisitnokon tonŋ. ¹⁹ Do gak yo pindakdal unun dakon geni mandaki. Yo abisok tonŋ, ae yo don noman tokdaŋ, unun do mandaki. ²⁰ Gik 7 kabi kisitno amin tet do taŋba pindal, ae tenŋenŋi tamo gol baŋ wasaŋbi 7 kabi yaŋ pindal, unun dakon mibili pasili tosok. Mibili unun yaŋ: gik 7 kabi unun paŋmuwukbi 7 kabi dakon aŋeloni. Aŋakwa tenŋenŋi tamo 7 kabi unun paŋmuwukbi 7 kabi.”

2

Epesas paŋmuwukbi do gen yipgut

¹ Unun da saŋbeŋek yaŋ yagit, “Gak paŋmuwukbi Epesas kokup papmon ekwaŋ unun dakon aŋeloni do gen yaŋ mandaki:

Nak gik 7 kabi kisitno amin tet da timigek tenŋenŋi tamo gol baŋ wasaŋbi 7 kabi da binapmon agisat. Agek gen on yipbo gagon obisak. ² Anpak asal ae pi teban asal

1:16: Ibr 4.12; PA 2.12; 19.15
PA 1.16

1:17: Ais 44.6; 48.12; PA 2.8; 22.13

2:1:

2:2: 1Jn 4.1

uḅun kili nandanḅ mudagim. Gak tebaisi agek amin anḅpakni yokwi do dima galak taḅ yomisal. Diwari da yaḅ gayiwit, ‘Ninyo kisi yabekbi’, mani uḅun yabekbi dima yaḅ uḅun gaga kili geni kokwinigek top amin yaḅ pindakgil. ³ Amin da gandaba mano abidosol do yo yokwisi angamanḅ. Mani tebaisi agek jigi uḅun imegek kuraktok dima asal.

⁴ Mani nak gak gat gen toḅ. Nandanḅ gadat kaluk agil bisapmon nak do but dasi galak taḅ namgul, mani abisok yaḅ dima asal. ⁵ Kalip tagisi egipgul do nandaki. Gak kili mal. Do anḅpak kalip agil uḅun do aego nandanḅek but tobiḅ anḅpak kalip agil uḅudenḅ abi. Yaḅ dima abi kaḅ, abiḅ lamgo uḅun si gwayekeḅ. ⁶ Mani anḅpakgo tagisi kinda uḅun yaḅ: Nikolas dakon amin kabi dakon anḅpak do nandaba yokwi tok asal. Nagayo kisi uḅun amin dakon anḅpak do nandako yokwi tosoḅ.

⁷ Amin mirakni toḅ da Telagi Wup da paḅmuwukbi do gen yosok uḅun pakyansi nandani. Amin kinda emaron teban tosak kaḅ, nak da yaḅ daganḅ imiḅapbo egip egip kindap walon jap paḅ nosak. Kindap uḅun Paradais kon Piḅkop da pigaga tosoḅ.”

Smena paḅmuwukbi do gen yipgut

⁸ Uḅun da sanḅbejek yaḅ yagit, “Gak paḅmuwukbi Smena ekwaḅ uḅun dakon anḅloni do gen yaḅ mandaki:

Nak wasok wasoksi ae mibisi egisat. Nak kimakgim da aeno kalugi egisat. Gen on yipbo gagon obisak.

⁹ Gagon jigi ae tepmiyo morapmi noman taḅ gamanḅ, ae yogo minisi da egisal, uḅun nandanḅ gamisat. Mani yogo morapmisi. Amin diwari da gen yokwi yaḅ gamanḅ uḅun nandisat. Uḅun amin da iyi do nin Juda amin yaḅ yoḅ, mani uḅun Juda amin dima, uḅun Sunduk

dakon amin kabi. ¹⁰ Donjok tepmi pakdisal. Mani unun do pasol pasol dima abi. Ji panjkewal do Sunduk da ji da binapmon amin diwari banj dam tebanon yopdisak. Yanj aban jigi ae tepmiyo gildat 10 da aripmon pakday. Dikba kimotni do yoni kanj, tebaisi agek nandanj gadatji dima witdal kisak. Anjakwa egip egip dakon pelit tilimi toj daberj.

¹¹ Amin mirakni toj da Telagi Wup da panjmuwukbi do gen yosok unun pakyañsi nandani. Amin kinda emaron teban tosak kanj, unun amin kimot da ae kinda gat aripmi dima anjupbal asak.”

Pegamum panjmuwukbi do gen yipgut

¹² Unun da gen sanjenek yagit, “Gak panjmuwukbi Pegamum kokup papmon ekwanj unun dakon anjeloni do gen yanj mandaki:

Nak emat agak siba geni teri teri ae geni tepmisi unun abidosot. Gen on yipbo gagon obisak. ¹³ Kokup egisal unudon Sunduk dakon kila amin madep yityit tamoni unudon toсок unun nandisat. Mani nak dakon man abidanj kimokdol. Antipas, nak dakon gen dakon yanj tenjenok amin tagisi kinda, unun Sunduk da egisak kokupmon anjakba kimakgit. Yanj anjakwa gak unun bisapmon nak do wasip dima yagil.

¹⁴ Mani nak gak gat gen toj. Gagon amin di da Balam dakon anpak abidanj kimokgoj. Balam dakon anpak unun yanj. Kalip Balam da Balak Israel amin panjkewal dakon mibili iyinj dekgit. Iyinj dekban Balak da Israel amin panjkewalban yokwi anjek kokup kidat do bit kilapyo mukwa sowit unun nawit. Ae yumabi kisi awit.

¹⁵ Uņudenġ gin amin di gagon ekwaņ uņun Nikolas dakon amin kabi dakon geni guramikgaņ. ¹⁶ Gak but tobił abi. Yaņ dima abi kaņ, nak kili uņunjok gagon obinġek gen kaganokon emat agak siba tosoġ uņun naņ uņun aminon emat akdisat.

¹⁷ Amin mirakni toņ da Telagi Wup da paņmuwukbi do gen yosok uņun pakyaņsi nandani. Amin kinda emaron teban tosak kaņ, nak da mana di abisok pasili toņ uņun ibeņ. Ae tip kwakwagi kinda ibeņ. Uņun tipmon man kalugi kinda mandabi da tosak. Uņun man amin kinda da dima nandisak. Amin tip abidosak uņun amin daġin nandakdisak.”

Taitaira paņmuwukbi do gen yipġut

¹⁸ Uņun da gen saņbeņek yagit, “Gak paņmuwukbi Taitaira kokup papmon ekwaņ uņun dakon aņelo do gen yaņ mandaki:

Nak Piņkop dakon Monji. Dabilno uņun kindap tepmisi sosok uņun yombem, ae kandapno teņteņosok uņun ain kinda mani bras sugaņba kwakwagisi aņ uņun yombem. Gen on yipbo gagon obisak. ¹⁹ Aņpak morap asal uņun nandaņ mudosot. Gak amin do but dasi galak taņ yomisal, ae nak nandaņ gadaņ namisal, ae amin diwari paņpulugok do pi asal. Nak nandisat, pi mibiltok aġil uņun yapmaņek abisok pi madepsi asal.

²⁰ Mani nak gak gat gen toņ. Gak Jesebel yipbi gak gat ekwamal. Miņat uņun da nak kombi amin kinda yaņ yosok, mani pi monjino top paņkewalek yumabi aņpak, ae jap kokup kidat do paret abi uņun noni do yoyiņ dekdak. ²¹ But tobił asak do nandaņek bikbik imisat. Mani but tobił aņek yumabi aņpakni yipmaņ det

do dima nandisak. ²² Do unjun miñat sot kinda ibo tepmi madepsi pakdisak. Ae amin morap unjun miñat gat yumabi awit but tobił aжек unjun miñat dakon anpakni dima yipmaj mudoni kañ, unjunyo kisi jigi ae tepmiyo madepsi yomdisat. ²³ Ae monji gwayoni kisi dapbo kimotni. Yan anapbo pañmuwukbi kisi morap da nak da amin but ae nandak nandakyo pindagek ji kalon kalon anpak ani da aripmon tomni damdisat yan nandan namdan. ²⁴ Mani pañmuwukbi diwari Taitaira ekwan ji miñat unjun dakon gen dima yolgañ, ae ‘Sunduk dakon geni pasili’ yan yon, unjun dakon mibili nandak do pini dima awit. Yan dayisat, jigi kinda gat dima dabeñ. ²⁵ Mani yo morap timikgañ unjun tebaisi timigakwa wigi nak da opbeñ dakon bisap asak.

²⁶ Emaron teban tajeک geno guramigakwan wigi bisap madep apjak amin unjun yan mudan ibo miktim morap kila akdisak.

²⁷ ‘Kila amin pini tapmimi tonji aжек ain win kirin nan uwalni pudan monin monin akdisak, amin da miktim kwoba pudan monin monin an unjun da tilagon akdisak.’

Datno da yan mudan namgut, unjun da tilak unjun amin do yan mudan ibeñ. ²⁸ Ae wisawisa do gik wisak unjun kisi ibeñ. ²⁹ Amin mirakni ton da Telagi Wup da pañmuwukbi do gen yosok unjun pakyanji nandani.”

3

Sadis pañmuwukbi do gen yipgut

¹ Unjun da sanbeñek yan yagit, “Gak pañmuwukbi Sadis kokup papmon ekwan unjun dakon aneloni do gen yan mandaki:

2:23: Kap 7.9; Jer 17.10; PA 20.12-13

2:25: PA 3.11

2:26: Kap 2.8-9

2:28: PA 22.16

3:1: PA 1.4,16

Nak Pinjop dakon wup 7 kabi timikdat, ae gik 7 kabi kisi timikdat. Gen on yipbo gagon obisak. Anpak morap asal unjun kisi nandan mudosot. Amin da gak do yan yon, ‘Sadis panmuwukbi kabi unjun egip egipmi tonji.’ Mani kili kimakgil. ² Dipmingo yopbi kit! Anpakgo diwari dima kimakgwit unjun panjeban abi. Nido anpakgo kinda Pinjopno da dabilon kilegisi yan kinda dimasi kat. ³ Gen bami kalip nandajek abidagil, unjun do aego nandabi. Nandajek guramigek but tobil abi. Dipmin dima yipbi kisak kan, kabo noknok da tilagon apdisat. Abijapbo gagon opdisat dakon bisap dima nandakdisal.

⁴ Mani amin kabisok kinda Sadis ekwan unjun imalni dakon kila anjek garak dima awit. Unjun amin kabi dakon anpakni kilegisi, do imal kwakwagi paba nak gat tagi agipnejen.

⁵ Amin kinda emaron teban tosak kan, unjun do kisi imal kwakwagi pan iben. Ae egip egip papiakon mani dima wiririkgen. Datno da inamon ae anjeloni da inamon mani yan tentenokejen. ⁶ Amin mirakni tonj da Telagi Wup da panmuwukbi do gen yosok unjun pakyajsi nandani.”

Piladelpia panmuwukbi do gen yipgut

⁷ Unjun da sanjebek yan yagit, “Gak panmuwukbi Piladelpia kokup papmon ekwan dakon anjeloni do gen yan mandaki:

Nak telagisi, ae anpak bamisi dakon ami. Nak da Dewit dakon yoma witdal abidosot. Nak da yoma witdaldat, amin kinda da aripmi dima sop sopmi. Ae nak da yoma sopmandat, amin kinda da aripmi dima witdali.

Gen on yipbo gagon obisak. ⁸ Arpak morap asal unjun kili nandan mudagim. Koki! Injamgokon yoma kinda witalbo pisolok. Ae amin kinda da aripmi dima sopjak. Nak nandisat, tapmimgo madep dima, mani nak dakon gen guramigek nak dakon man do wasip dima yagil. ⁹ Sunduk dakon amin kabi unjun da iyi do nin Juda amin yar yor, mani unjun Pinjkop dakon amin dima, unjun top amin. Nak da unjun amin yabekgo abin gak da kandap mibilon nwakben anek nak da ji but dasi galak tar damisat yansi nandani. ¹⁰ Nak dakon gen guramigek jigi altan gamgwit bisapmon butgo yawori tarakwan tebaisi akgil. Yar agil do jigi madep miktimi miktimi amin panjkewal do noman tokdisak bisapmon kilago anapbo jigi unjun dima altan gamjak. ¹¹ Gagon tepmisi apdisat. Yo abidosol unjun tebaisi abidoki. Amin kinda da tomnigo unjun di gwayerban.

¹² Amin kinda emaron teban tosak kar, nak da gwak yar moko agek Pinjkopno dakon telagi yut arteban asak. Anek Pinjkop dakon yut yipmanek aeni wara dima pigisak. Unjun aminon Pinjkopno dakon man, ae Pinjkopno dakon kokup pap dakon man mandakej. Kokup pap unjun Jerusalem kalugi, unjun Kwen Kokup yipmanek Pinjkopnokon da pikdisak. Ae naga dakon mano kalugi kisi unjun aminon mandakdisat. ¹³ Amin mirakni toj da Telagi Wup da panmuwukbi do gen yosok unjun pakyansi nandani.”

Laodisia panmuwukbi do gen yipgut

¹⁴ Unjun da sanbenek yar yagit, “Gak panmuwukbi Laodisia kokup papmon ekwar unjun dakon aneloni do gen yar mandaki:

3:8: 1Ko 16.9 **3:9:** Ais 45.14; 49.23; 60.14; PA 2.9 **3:10:** Lk 21.19; 2Ti 2.12 **3:12:** Ais 62.2; 65.15; PA 14.1; 21.2

Nak Pinjok dakon geni gat ae yaŋ teban tok geni gat do gen unun asisi yaŋ yogok amin. Nak Pinjok dakon gen bamisi yaŋ tenjenok amin. Bisapmi bisapmi geni bamisi gin yaŋ tenjenosot. Pinjok da yo morap wasagit dakon mibilisi nak da gen on yipbo gagon obisak. ¹⁵ Anpak morap asal unun kisi nandaŋ mudosot. Nak nandisat, gak mirimi dima, ae tedepmi dima. Gak da mirimi bo ae tedepmi egipbi do nandisat. ¹⁶ Mani dima. Gak tedepmi yaŋgok egisal. Gak tedepmisi dima ae mirimisi yo dima. Yaŋ do aŋek gen kaganokon da gak wanditdisat. ¹⁷ Gak ‘Moneŋno morapmi ae yo kabino morapmi tor. Yo kinda do wadak wadak dima asat’ yaŋ yosol. Mani dima. Amin da bupmisi nandaŋ gamni da tilagon yokwisi egisal. Gak yogo minisi da egisal, ae dabilgo mini, ae molaŋ molaŋ agisal. Aŋek gaga dima nandabi pisolok. ¹⁸ Yaŋ do aŋek nawa gen on gamisat. Nak dakon golno kindapmon sorjba gwaljigi minisi aŋ unun gol baŋ yubi kaŋ, monenŋo morapmisi taŋ gamdaŋ. Ae giptingo wam do imal kwakwagi baŋ yubi kaŋ, amin da gandaba molaŋ dima agipbi, ae mayagigo mini. Ae dabil marasin di yumaŋek dabilgokon yopbi kaŋ, tagisi sintokdisal. ¹⁹ But dasi galak taŋ yomisat amin unun tebai yoyiŋek anpakni panjkilek ani do jigi yomisat. Do anpakgo panjkilek ak do pi tebai aŋek but tobil abi.

²⁰ Nandaki! Nak yomakon agek yoma domon tidaŋek yaŋ yosot: Nak yutnon tagi wikenj? Amin kinda tekno nandaŋek yoma witdaljak kaŋ, nak wigiko unun gat egek jap nondeŋ.

²¹ Amin kinda emaron teban tosak kaŋ, unun amin do yaŋ dagaŋ ibo kila amin madep yityit tamonokon

nak gat kisi yitdeņ. Kalip nak da emaron teban taņek Datno gat kisi kila amin madep yityit tamonikon yikgim uņuden yitdeņ. ²² Amin mirakni toņ da Telagi Wup da paņmuwukbi do gen yosok uņun pakyañsi nandani.”

Sipsip Moniij da Kwen Kokupmon Papia Kinda Witdalakwan Miktim Aminon Yo Yokwisi Noman Tokdaņ (Kilapmi 4–11)

4

Kwen Kokupmon Piņkop gawak imañ

¹ Uņun da kwenon aeno kaņapbo Kwen Kokupmon yoma kinda witdal kigit da taņban kagim. Kaņapbo amin uņun kalip nak do kweņ da yaņ tebaisi yaņ tidañek yaņ namgut uņun da yaņ yagit, “Idon wiņaki yo morap don altokdaņ goliko.” ² Nayiņban uņudon giņ Telagi Wup da butnokon piņi madepsi tugagit. Aņakwan Kwen Kokup kila amin madep yityit tamo kinda taņban kagim. Uņun tamokon amin kinda yikban kagim. ³ Uņun amin tip jaspae tip gami konilian da yaņ teņteņagit. Kilap baņ kinda da kila amin madep yityit tamo uņun aņgwasigit. Kilap baņ kildani uņun tip kalikaligi emeral yaņ. ⁴ Kila amin madep yityit tamo 24 kabi da kila amin madep yityit tamo uņun aņgwasinek taņba pindakgim. Uņun tamokon kila amin 24 kabi da yikgwit.* Uņun kila amin imalni kwakwagi baņ pawit, ae busuņikon pelit kildani toņ gol baņ wasañbi baņ pawit. ⁵ Kila amin madep yityit tamokon da mal dakon teņteņi da yamgwit. Aņakwa nandaņapbo wuwik madepsi noman taņakwa kiririņ agit. Kila amin madep yityit tamo noman da kaliņ 7 kabi sowit. Kaliņ uņun Piņkop dakon

4:1: PA 1.1,10 4:2: Ais 6.1 4:3: Esi 1.28 4:4: PA 3.18 * 4:4: Uņun kila amin uņun aņelo man madepni toņ kabi kinda do yosok. 4:5: Esi 1.13; Sek 4.2; PA 1.4; 8.5; 11.19; 16.18

wupni 7 kabi. ⁶ Kila amin madep yityit tamo noman da yo kinda tagit, unun tap idap daman glas ban wasanbi yombem, ae wagil kwakwagisi.

Yo 4 kabi egip egipmi ton unun kila amin madep yityit tamo dakon ilenji 4 kabikon akgwit. Yo 4 kabi unun burikon ae manjikon kisi dabil morapmi da giptimi kisi ilimikgwit. ⁷ Yo egip egipmi ton kinda unun laion yombem. Ae kinda unun bulmakau wili yombem. Ae kinda unun tomno dabilni amin dakon yombem. Ae kinda unun singij madep kwen agegisak yombem. ⁸ Yo 4 kabi egip egipmi ton kalon kalon unun kisi piri 6 kabi tan yomij yomij awit. Anakwa giptimi kalon dabil morapmi da ilimikgwit. Ae piri da mibilgwan kisi tawit. Gildari ae kalbi kisi ak nandari mini yan yon,

“Telagi, telagi, telagi.

Amin Tagi Pinjop Tapmin Ami kalipsi egipgut,
ae abisok egisak,
ae don apdisak,
unun telagisi” yan yon.

⁹ Yo egip egipmi ton kabi unun da Amin unun kila amin madep yityit tamonikon yikdak ae egip egip dagok dagogi mini egisak unun do kisik kisik madepsi anek mani awigek ya yan iyan. Bisapmi bisapmi yo 4 kabi egip egipmi ton unun yan anakwa ¹⁰ kila amin 24 kabi da Amin unun kila amin madep yityit tamokon yikdak unun da buron man pokgon. Man pagek egip egip dagok dagogi mini egisak Amin unun gawak iman. Ae pelitni kildani ton gol ban wasanbi unun kila amin madep yityit tamo tosok unudon noman ilik yopmanjek kap yan yon,

¹¹ “Amin Tagi Pinjopnin,

gak da yo morap galaktokgokon wasagil da abisok toņ.

Yaņ agil do miņat amin morap kisi da gak do kisik kisik madepsi aņek mango awigini, ae tapmimo madepsi da yonņangwan piņbi egipni kaņ tagisi.”

5

Jon da papia kinda kili sopgwit kagit

¹ Amin uņun kila amin madep yityit tamokon yikgit uņun kisitni amin tet do papia giroņikbi kinda taņban kagim. Papia uņun teri teri kildani toņ, ae kendol pakbi baņ kosiri 7 kabi aņteban abi.

² Ae aņelo tapmimi toņsi kinda kaņapbo gen papmon da yaņ tidaneķ yaņ yagit, “Namin amin kilegisi kinda dasi kendol pakbi baņ paņteban abi pakdeķek papia tagi witaljak?” ³ Mani amin Kwen Kokup ekwaņ, bo ae miktimon ekwaņ, bo ae miktim da mibiligwan ekwaņ kinda da papia uņun aripmi dima witaljak bo ae aripmi dima kosak. ⁴ Nak papia uņun amin kinda da aripmi dimasi witaljak bo ae kosak yaņ kaņek kunam madepsi saņbek saņbek morapmi takģim. ⁵ Yaņ aņapbo kila amin kabikon da kila amin kinda da yaņ nayigit, “Gak kunam dima takģi. Koki! On Laion Juda amin kabikon altagit, uņun Dewit dakon babinikon guģi uņun da don noman taņ wigit. On Laion emaron teban tagit. Yaņ agit do uņun da papia kendol pakbi baņ kosiri 7 kabi paņteban abi uņun pakdeķek tagi witaljak.”

Jon da Sipsip Moniņ kagit

⁶ Yan nayinjakwan Sipsip Monin kinda akban kagim. Ujun paret ak do si anakba kimakgit yombem. Ujun kila amin madep yityit tamo da binapmon agakwan yo 4 kabi egip egipmi ton gat ae kila amin gat da angwasiwit. Sipsip Monin unun jomni 7 kabi, ae dabilni 7 kabi. Dabilni unun Pinjkop dakon wupni 7 kabi. Ujun Pinjkop da yabekban miktimi miktimi kin mudawit. ⁷ Kili Sipsip Monin da kila amin madep yityit tamokon kin Amin yikgit da kisiri amin tet do papia tagit unun abidagit. ⁸ Papia unun abidanjakwan yo 4 kabi egip egipmi ton, ae kila amin 24 kabi gat da Sipsip Monin da kapmatjok man pakgwit. Kisisi kalon kalon gita moninni gat ae gol idapni gat timik timik awit. Gol idapmon yo kibani tagisi tugawit, unun Pinjkop dakon minjat amin kabiyo dakon bisitni.

⁹ Yan anek kap kalugisi kinda yan yawit,
 “Gak da papia gironjiki abidanjek kendol pakbi ban panje-
 ban abi unun aripmi tagi pakdekgi.

Nido gikba kimagek yawigo nan minjat aminyo
 Pinjkop do im do anek yuman nagil.

Asi, amin mibili mibili ekwan,

ae geni mibili mibili,

ae giptimni mibili mibili,

ae miktimi miktimi ekwan kisi yuman nagil.

¹⁰ Yuman nanek amin kila ani do manjin yopgul,
 ae nin dakon Pinjkop dakon oman ani do mukwa
 sogok amini manjin yopgul.

Ujun da kila amin madep egek miktimon amin kilani
 akdan.”

Sipsip Monin dakon man anjisiwit

¹¹ Kili aeno kan egapbo anelo morapmisi dakon geni

5:6: Sek 4.10; Jn 1.36; PA 13.8 **5:8:** Kap 141.2; PA 8.3-4 **5:9:** Kap 33.3; 40.3; 96.1; 98.1 **5:10:** TP 19.6; Ais 61.6; PA 1.6; 20.6 **5:11:** Dan 7.10; Ibr 12.22

nandagim. Uñun añelo dakon tilakni milion morapmisi ae tausen morapmisi da arip. Uñun añelo kila amin madep yityit tamo ae yo egip egipmi toñ ae kila amin kabi bañ pangwasinek akgwit. ¹² Yañ tidaneke kap kinda yañ yawit, “Sipsip Moniñ on kalip añaakba kimakgit.

Uñun da man madep gat,
ae yo tagisisi morap gat,
ae nandak nandak tagisi gat,
ae tapmimi wukwisi uñun kisi tagi timitjak.

Amin morap kisi da mani añaengek kisik kisik aña imineke ya yañ iyini kañ uñun kilegisi.”

¹³ Ae yo morap Pin kop da wasagit uñun dakon geni kisi nandagim. Yo morap Kwen Kokup ekwañ, ae miktimon ekwañ, ae miktim kagagwan ekwañ, ae tap kaga ekwañ kisi dakon geni nandagim. Uñun da yañ yawit, “Amin uñun kila amin madep yityit tamonikon yikdak, ae Sipsip Moniñ gat kisi, nin jil dakon tilim gat ae tapmim gat pindagek kisik kisik añaek dagok dagogi mini man madep damamañ.”

¹⁴ Añaakwa yo 4 kabi egip egipmi toñ uñun da yañ yawit, “Uñun asi.” Yañ yañaakwa kila amin kabi da mañ pagek gawak yomgwit.

6

Sipsip Moniñ da kendol bañ papia soñ añaeban awit uñun pakdekgit

¹ Nak kañaapbo Sipsip Moniñ da papia gironikbi abidaneke kendol pakbi bañ kosiri 7 kabi añaeban abi uñun mibiltok nani pakdekgit. Pakdegakwan yo egip egipmi toñ 4 kabikon da kinda gen yagit. Geni uñun kiririñ da yañ yagit, “Gak op.” ² Aeno kañek os kwakwagi kinda

kagim. Uņun da kwenon amin kinda obipni abidaneķ yikgit. Uņun amin do kila amin madep dakon pelit kinda imgwit. Iba emaron teban tagit da tilagon kigit. Kiņek emat morapmi sigin aņek teban tokenņ yaņon da nandaneķ kigit.

³ Sipsip Moniņ da kendol pakbi baņ papia aņteban abi 2 uņun pakdeķgit. Pakdeķakwan yo egip egipmi toņ 2 uņun da yagit, “Gak op.” ⁴ Yaņakwan os gami kinda apban kagim. Uņun da kwenon amin yikgit uņun do tapmim ibi. Uņun tapmim uņun on miktimon yawori tosok uņun paņdagosak dakon tapmim. Paņdagaņban amin da notni dapmaņ dapmaņ aņek kimotdaņ. Uņun pi asak do emat agak siba madepsi kinda imgwit.

⁵ Kili ae Sipsip Moniņ da kendol pakbi baņ papia aņteban abi 3 uņun pakdeķgit. Pakdeķakwan yo egip egipmi toņ 3 uņun da yagit, “Gak op.” Yaņakwan os pilisi kinda kagim. Uņun da kwenon amin kinda yikgit, uņun jap kokwin agak yo kinda kisirikon abidagit. ⁶ Aņakwan amin dakon tek yombem kinda nandaneķbo yo egip egipmi toņ 4 kabikon da yaņ yagit, “Amin kinda gildat daman kinda dakon pi asak dakon tomni timitjak uņun wit yiņi moniņisok kinda gin abidosak, bo bali kwoba kapbi gin timitjak. Mani gak olip nelak gat ae wain gat dima paņtasik abi.”

⁷ Sipsip Moniņ da kendol pakbi baņ papia aņteban abi 4 uņun pakdeķgit. Pakdeķakwan nandaneķbo yo egip egipmi toņ 4 da yaņ yagit, “Gak op.” ⁸ Yaņakwan os kilonķilonķi kinda kagim. Uņun da kwenon amin kinda yikgit uņun mani Kimot. Amin Kili Kimakgwit Dakon Kokupni uņun kapmatjok da yolgit. Amin miktimi miktimi ekwaņ kokwin 4 kabi aņek kabi kinda dapbal kimotni do tapmim yobi. Diwari emat agak siba baņ

dapbal kimotni, ae diwari jap do madepsi anjek kimotni, ae diwari sot yokwisi da timitjak, ae diwari jon bit kilapyo da dapman noni.

⁹ Sipsip Moniŋ da kendol pakbi ban papia anteban abi 5 unun pakdekgit. Pakdegakwan amin kimakgwit dakon wupni alta da mibilgwan pindakgim. Kalip unun amin da Pinƣop dakon gen tebaisi abidanek unun dakon yan terŋenok anakwa uwal da dapba kimakgwit. ¹⁰ Amin wup unun da tebaisi yan tidanek yan yawit, “Amin Tagi Tapmim Ami, gak telagisi egisal, ae anpakgo wagil bamisi gin. Nin bisap nianɗasi gak do jomjom anapno miktim amin gen pikon yopmanek yawinin dakon kobogi yobi?”

¹¹ Yanba unun amin do paba pigik dubagi kwakwagisi kalon kalon yomihnek yan yoyiwit, “Ji jomjom pisipmisok ani. Uwal da oman amin pi isalji gat, ae notji gat dapdan. Ji dikba kimakgwit, yan gin dapba kimotdan. Amin nian da dapdan unun Pinƣop da kili manjigit. Uwal da unun kisisi dapman mudanakwa don Pinƣop da yawisi dakon kobogi yomdisak.”

¹² Sipsip Moniŋ da kendol pakbi 6 papia anteban awit unun pakdekgit. Pakdegakwan miktim wudip madepsi agit. Anakwan gildat dabil yik garan yombem pilisi agit, ae kanek gimanisi yawi yombem agit. ¹³ Anakwan gik kundukon ton miktimon mawit. Gik mawit unun pik kindap dakon sopmi dima pek tanakwa mirim da pisonakwa mon unun da tilak mawit. ¹⁴ Anakwa papia gironik yopmanaman, unun da tilagon kundu si kin pasilgit. Anakwan kabap gat ae tap binap miktim tim ton unun tamoni yopman degek duwalik kiwit. ¹⁵ Anakwa miktim dakon kila amin madep gat, ae amin man madepni

6:11: PA 7.9,13; 19.14 **6:12:** Mt 24.29; Ya 2.20; PA 8.12; 11.13; 16.18

6:13: Ais 34.4 **6:14:** PA 16.20 **6:15:** Ais 2.10,19,21

toj gat, ae emat amin dakon mibiltok amini gat, ae yoni morapmi amin gat, ae amin tapmimi toj gat, ae oman amin, ae amin morap isal ekwan, unun kisisi pasal kin tip gobatgwan ae kabapgwan tip madep toj unun da mibiligwan pasil do kiwit. ¹⁶ Anek kabap gat ae tip gat do yan tidanek yawit, “Ji nin da kwenon man witjin nimirakwa pasili egipner. Pasili egapno Amin unun kila amin madep yityit tamonikon yikdak unun dima nin-dasak, ae Sipsip Monin butjap damani nandanek kobogi yokwi dima nimjak. ¹⁷ Amin do butjap madepsi nandanek kobogi yokwisi yomdamal dakon gildat madep kili unun abik. Namin amin dasi tapmimni unun abin yipmanek tagi egipjak?”

7

Israel amin 144 tausen da Pinjop dakon tilak abidawit

¹ Unun da kwenon anelo 4 kabi miktim dakon kodigi 4 kabikon akba pindakgim. Mirim da miktim gat ae tap gat ae kindap gat dima pisoni yan do mirim 4 kabi unun tebaisi timikgwit. ² Yan anakwa anelo kinda gildat wisak tetgin da apban kagim. Unun da Pinjop egip egipmi toj dakon tilak aminon yop do yo kinda abidanek apgut. Abinek anelo 4 kabi Pinjop da miktim gat tap gat pantasik ani do tapmim yomgut unun do madepsi yan tidagit. ³ Yan tidanek yan yagit, “Ji miktim ae tap ae kindap tepmisi pantasik ak do dima nandani. Mibiltok Pinjopnin dakon tilak pi monjini da inamon yopdaman. Yan anapno don yo morap tagi pantasik ani.” ⁴ Ae nandanapbo amin tilak timikgwit dakon tilak yanba nandagim. Israel amin kabi morap da binapmon amin 144 tausen da tilak unun timikgwit.

6:16: Lk 23.30
Esi 9.4,6; PA 9.4

6:17: Jol 2.11; Mal 3.2
7:4: PA 14.1,3

7:1: Jer 49.36; Dan 7.2

7:3:

⁵ Juda amin kabikon amin 12 tausen da timikgwit.

Ae Ruben da kabikon 12 tausen

ae Gat da kabikon 12 tausen

⁶ ae Ase da kabikon 12 tausen

ae Naptali da kabikon 12 tausen

ae Manase da kabikon 12 tausen

⁷ ae Simeon da kabikon 12 tausen

ae Liwai da kabikon 12 tausen

ae Isaka da kabikon 12 tausen

⁸ ae Sebulan da kabikon 12 tausen

ae Josep da kabikon 12 tausen

ae Benjamin da kabikon 12 tausen.

Uñun amin da Pinjkop dakon tilak timikgwit.

Miñat amin morapmi da Pinjkop gawak imgwit

⁹ Ae uñun da kwenon amin morapmisi pindakgim, uñun manjiri mini. Amin uñun amin kabi kabi egi egi añ uñun morap kisi dakon. Ae miktim morap kisi, ae giptim mibili mibili, ae gen mibili mibili uñun kisi kila amin madep yityit tamo, ae Sipsip Monji da inamon akgwit. Uñun ilikba pigik kwakwagisi ae dubagi bañ pawit. Ae kisirikon jopbañ tam bañ timikgwit. ¹⁰ Uñun amin kabi madep tebaisi yañ tidaneñ yañ yawit,

“Pinjkopnin kila amin madep yityit tamonikon yikdak, ae Sipsip Moniñ kisi uñun dagin nin yokwikon bañ timikbal tagisi ekwamañ.”

¹¹ Anakwa anelo morap kila amin madep yityit tamo, ae kila amin, ae yo 4 kabi egip egipmi tonj uñun pangwasineñ akgwit. Agek kila amin madep yityit tamo kañek mañ pagek tomno dabilni miktingwan yopmañek Pinjkop gawak imgwit. ¹² Añek yañ yawit,

“Uñun asi! Nin dagok dagogi mini Pinjkopnin do ya yañ iyineñ kisik kisik madepsi anek man madepni do yañ teñteñoneñ.

Dagok dagogi mini nandaŋ kokwini tagisi, ae tapmim madepni taŋ imdisak. Uŋun asi!”

Uŋun amin kabi dakon tepmi kili uŋun mudosok

¹³ Kila amin kabikon da kindi da yaŋ nayigit, “On amin ilikba pigik dubak kwakwagi payiŋ uŋun namin? Ae dukwan da abeŋ?”

¹⁴ Yaŋban iyigim, “Amin tagi, gaga nandisal.”

Yaŋapbo yaŋ nayigit, “On amin uwal da kisiron jigi tepmiyo madepsi pawit da abisok tagi ekwaŋ. Imalni Sipsip Moniŋ dakon yawi baŋ sugaŋba kwakwagisi awit. ¹⁵ Yaŋ awit do aŋek Piŋkop dakon kila amin madep yityit tamokon noman akgar. Gildari ae kalbiyo Telagi Yut Madepnikon egek omani aŋ imaŋ. Piŋkop kila amin madep yityit tamokon yikdak, iyi uŋun gat egek paŋkut-nosak. ¹⁶ Jap do ae dima akdaŋ, ae pakbi do dima akdaŋ. Gildat da giptimni tebai dima pindatjak, ae yo kindi da giptimikon pindakban tedepmi dima nandakdaŋ. ¹⁷ Nido, Sipsip Moniŋ kila amin madep yityit tamo da binap yikdak, uŋun da kila amini egipdisak. Aŋek pakbi egip egipmi toŋ da dabilikon uŋudon paŋkikdisak. Aŋakwan Piŋkop da dabil pakbini kisisi wiririkban kunam saŋbeŋek dima tatdaŋ.”

8

Sipsip Moniŋ da kendol pakbi baŋ paŋteban abi 7 uŋun pakdekgit

¹ Sipsip Moniŋ da kendol pakbi 7 papia aŋteban awit uŋun pakdekgit. Pakdegakwan Kwen Kokupmon wayiŋi minisi tagit. Yaŋ taŋakwan wigi 30 minit da tilak agit. ² Ae

koko anjelo 7 kabi Piŋkop da injamon akgarj unjun do kweŋ 7 yaŋ yoba timikgwit.

³ Anjakwa ae anjelo kinda alta da kapmatjok paŋki akgit. Unjun anjelo gol idap kinda yo kibaŋi tagisi unjudon idawik mukwa kibaŋi tagisi sok do abidagit. Anjawan yo kibaŋi tagisi morapmisi imgwit. Iba Piŋkop dakon amin dakon bisit gat timik kakwarjek alta gol baŋ wasanbi Piŋkop dakon kila amin madep yityit tamokon noman tosok, unjudon mukwa soŋ imgut. ⁴ Yaŋ anjawan mukwa kibaŋi tagisi gat, ae Piŋkop dakon amin dakon bisitni gat, anjelo da kisiron da Piŋkop da injamon wigiwit. ⁵ Anjakwa anjelo da kindap altakon tagit unjun abidaŋ mukwa soksok idapgwan yopban tugaŋba kindap maban miktimon mawit. Miktimon maŋakwa mal dakon tenjenji da yamgwit. Anjakwa nandaŋapbo wuwik madepsi noman tarjakwa kiririŋ agit, ae miktim wudip agit.

Anjelo 4 kabi da kweŋ pisowit

⁶ Anjawan anjelo 7 kabi unjun kweŋ 7 kabi timikgwit unjun pisok do tagap tawit.

⁷ Anjelo mibiltok akgit unjun da kweŋni piŋonjawan ais ae kindap ae yawi gat paŋkolop abi gat kisi miktimon mawit. On miktim daman ae kindapyo kokwin aba kabi kapbi anjakwa miktim kabi kinda sogit, ae kindap dakon kabi kinda sogit. Ae joŋ kaluk kalugi kisisi soŋ mudawit.

⁸ Ae anjelo unjun da buŋon nani kweŋni pisogit. Anjawan yo kinda kabap madepsi yombem si soŋakwan, maba tap kaga pigi magit. Unjun tap kokwin aba kabi kapbi anjakwa kabi kinda yawi dagagit. ⁹ Ae yo egip egipmi toŋ tap kagagwan ekwarj unjun kokwin aba kabi kapbi anjakwa kabi kinda si kimakgwit. Ae tap wakga yo kisi kabi kapbi

kokwin anakwa tap wakga kabi kinda wagilsi tuwil ki tasik tawit.

¹⁰ Ae anjelo 3 kwejni pisogit. Anakwan gik madepsi kinda kalij da yan songek kundu yipman abij magit. Unjun pakbi madep madep pokgorj unjun kabi kapbi yan kokwin awiron kabi kindakon magit. Ae pakbi dabilon magit. ¹¹ Gik unjun dakon mani unjun Yo Isipmi ae Emari Tonj. Unjun abij pakbi kabi kindakon manakwan pakbi unjun isipmisi agit, do amin morapmisi pakbi unjun nanjek kimakgwit.

¹² Ae anjelo 4 kwejni pisogit. Anakwan gildat ae kanek ae gikyo unjun kokwin aba kabi kapbi anakwa gildat kabi kinda ae kanek kabi kinda ae gik morap dakon kabi kinda panjupbal anakwan pilin tuk awit. Yan awit do gildari dakon ae kalbi dakon tenjenji tagi dima tenjenjawit.

¹³ Unjun da kwenon sinjij madepsi kinda kwen binap akwan kagim. Sinjij unjun madepsi yan tidarek yan yagit, “Bupmisi, bupmisi, bupmi madepsi miktimon ekwan amin. Anjelo kapbi kwejni pisokdan, anakwa miktimon amin jiji madepsi pakdan.”

9

Anjelo 5 kwejni pisogit

¹ Anjelo 5 unjun kwejni pisonakwan gik kinda kundukon da abij miktimon kili magit kagim. Gapma dubagisi ae kidagi mini unjun dakon yoma witdal unjun gik do imgwit. ² Anakwa gik da gapma unjun witdalakwan unjun gapmagwan da kindap madepsi sosok dakon mukwa da wigit. Mukwa gapmagwan da wigit unjun da gildat dabil gat ae kundu gat dakon kosit sopmanakwan pilin tuk agit. ³ Anakwan pilak pilak da mukwa kagagwan da miktimon

mawit. Uñun pilak pilak do skopion dakon tapmim yomgwit. ⁴ Pilak pilak uñun yañ yoyiwit, “Ji jon gat, ae yo mibili mibili miktimon kwoñ gat, ae kindap gat uñun dima pañupbal ani. Ji amin Piñkop dakon tilakni injamikon mini uñun bañ gin pañupbal ani. ⁵ Ji uñun amin tepmi pi madepsi kanek 5 da butgwan tagi yomni, mani dima dapba kimotni.” Tepmi pi yomni uñun skopion da amin injiñ yoba tepmi madepsi pañ uñun da tilagon yomdañ. ⁶ Uñun bisapmon amin kimot do kosit wisik akdañ, mani kimot dima kokdañ. Kimot do tagisi nandakdañ, mani sigin egipdañ.

⁷ Pilak pilak uñun os amin da emat do pañtagap añ yombem pindakgim. Busujikon pelit gol bañ wasañbi yombem da tañ yomgwit. Tomno dabilni uñun amin dakon yombem. ⁸ Busuñ dangwani uñun dubagisi miñat dakon yombem, ae geni uñun laion dakon yombem. ⁹ Paba pigik ain yombem bañ pibiri witjiwit. Piri uñun karis morapmi os da emaron kik do ilik pawilakwa wuwik madepsi noman toñ uñudeñ awit. ¹⁰ Paljigi skopion dakon yombem, pakbi emari toñ aminon yopban pigini dakon kisikni paljigikon tañ yomañ. Kanek 5 yañ amin tepmi madepsi yomyom dakon tapmim tañ yomañ. ¹¹ Gapma dubagisi kidagi mini dakon añeloni da kila amin madepni egi yomgut. Ibru genon da uñun añelo do Abadon yañ yawit. Ae Grik genon da Apolyon yañ yawit. Uñun gen dakon mibili: Yo Morap Pañtasik Ak Amin.

¹² Jiñ mibiltok altoñi, kili uñun altañ mudak. Nandabi. Jiñ bamori don noman tokdamal.

Anjelo 6 kweñni pisogit

¹³ Anjelo 6 kweñni pisorjakwan gen kinda noman tañban nandagim. Alta gol bañ wasañbi, Piñkop da injamon tosok,

Panalon Abi 9:1425Panalon Abi 9:21

unjun dakon kodigi 4 kabikon jom 4 kabi tawit unjudon da yagit. ¹⁴ Gen unjun altagit da anjelo kwenj abidagit unjun yan iyigit, “Anjelo 4 kabi pakbi madep Yupretiskon panjeban awit da ekwan unjun wital yopbi kini.” ¹⁵ Yanjan anjelo 4 kabi unjun kinj amin morap miktimon ekwan unjun kabi kapbi kokwinigek, kabi kinda si dapba kimotni do wital yopgut. Anjelo kabi unjun kili noman tawit da pi unjun ak do awa ae gildat, kanek, ae bilakyo dogin jomjom awit. ¹⁶ Ae nandanapbo emat amin oskon yikgwit dakon tilakni yawit, unjun 200 milion yan. Tilakni nandanapbo yawit. ¹⁷ Unjun dipmin yombem kanek os gat ae amin os kwenon yikgwit, unjun yan pindakim: amin unjun emat dakon yik imalyo pawit. Paba pigik unjun gami, ae pili, ae kilonkiloni ban pawit. Os dakon busuni unjun laion dakon busuni yombem. Anakwa os da gen kagagwan da milej asip ae mukwa ae salfa tip si sojek wiwit. ¹⁸ Unjun amin kokwin kabi kapbi anek, yo yokwi kapbi unjun os da gen kagagwan da altawit da minjat aminyo kabi kinda dapba kimakgwit. ¹⁹ Os unjun dakon tapmimni gen kagani gat ae paljigi garon tawit. Paljigi unjun tunon amin emari ton yombem. Paljigi diwarikon tunon amin dakon busuni ton, do unjun ban amin panjupbal awit.

²⁰ Amin diwari unjun yo yokwisi kapbi da dima dapba kimakgwit amin but tobil dima awit. Kon gat ae kokup kidat iyi kisit da wasawit gat sigin gawak yomgwit. Kokup kidat unjun gol ae silwa ae ain kinda mani bras ae tip ae kindap ban wasawit, unjun dima sinjon ae gen dima nandan ae kosit dima akwan. ²¹ Unjun amin da amin diwari dapba kimakgwit, ae sot mawomyo anek yo tapmimi ton diwari pawilgwit, ae yumabi awit, ae amin diwari dakon yo kabi panjisibiwit. Mani but tobil anek yo unjun yop do

dima nandawit.

10

Ajelo da papia Jon do iban nagit

¹ Ae kanapbo ajelo tapmimi toj kinda Kwen Kokup da pigit. Ujun giptimi gikwem naj wamgut, ae busuji da kwenon kilap baj kinda tagit. Tomno dabilni gildat da yarj tenjeragit. Anjakwan kandap bamotni milenj asip yombem. ² Ujun ajelo papia gironjikbi monij kinda kisirikon abidagit, ae papia unun witdal kwi da tagit. Ujun kandapmi amin tetgin do tap kwenon yipgut, anek kandapmi teri kinda miktimon bamagit. ³ Anek laion da madepsi yarj tidonj, unjuderj madepsi yarj tidanjakwan kiririj 7 kabi da madepsi yawit. ⁴ Kiririj 7 kabi yanakwa gen yawit unun mandak do agim, mani Kwen Kokupgan da tek kinda yarj noman tagit, “Kiririj 7 kabi dakon gen unun nandak nandakgokon gin toni. Dima mandabi.”

⁵ Kanapbo ajelo tap idapmon ae miktimon bamanj akgit, unun kisiri amin tetni Kwen Kokup gin do anenakgit. ⁶ Anenagek gen yarj anteban agit. Pinjkop egip egip dagok dagogi mini egisak, kundu gat ae yo morap kundukon toj, ae miktim gat ae yo morap miktimon toj, ae tap gat ae yo morap tap kagagwan toj unun wasagit Amin da manon gen yarj anteban anek yarj yagit, “Bisap kili unun mudokdisak. Pinjkop ae sanbenek jomjom dima akdisak. ⁷ Ajelo 7 kwejni pisonakwan Pinjkop da yo ak do yagit da pasili toj, unun panalon aban bami toj akdisak. Ujun gen kalipsigwan kombi amin pi monjini do yomgut.”

⁸ Ajelo yarj yanakwan tek unun Kwen Kokup da aeni noman tanej nayigit, “Gak kinj ajelo unun tap idapmon ae miktimon bamanj akdak da kision papia tosok unun

abida.” ⁹ Nayinban kinj anjelo yan iyigim, “Papia monin unun nak do nam.” Iyiko yan nayigit, “Abidanek na. Gen kagagokon kaban dakon pakbini yombem galagini tagisi akdisak, mani but kagagogwan emat akdisak.” ¹⁰ Yanakwan papia unun kisirikon nan abidanek nagim. Nanek gen kaganokon kaban pakbi yombem galagini tagisi nandagim, mani si nan mudanek butnogwan emat aban nandagim.

¹¹ Ae yan nayigit, “Gak aego minat amin morapmikon, ae miktim morapmikon, ae amin geni mibili mibili yonon, ae kila amin madep morapmikon yo noman tokdan, unun do kombi gen yoki.”

11

Amin bamori da Pinjkop gen yan tenjenagimal

¹ Amin kinda da tilak yopyop kindap kirin kinda naminek yan nayigit, “Gak pidanek Pinjkop dakon telagi yut gat ae alta gat tilak yopman. Yan anek amin unun yutgwan Pinjkop gawak iman unun manjiki. ² Mani tamo wanga da tosok unun Amin Ijwakjwari Kabi da egipni do parekbi, do unun tilak dima yipbi. Unun amin kabi da abin Pinjkop dakon telagi kokup pap pabin yopmanek kila tebaisi anek bamanakwa kanek 42 yan akdisak. ³ Anakwa nak da amin bamori unun geno yan tenjenonjil do tapmim yoben. Amin bamot unun bupmi dakon yik imalyo ban pakdamal. Anek nak dakon gen yan tenjenanakwal gildat 1,260 yan akdisak.”

⁴ Amin bamot unun miktim daman dakon Amin Tagini da inamon olip kindap bamot ae lam bamot akgamal unun mani. ⁵ Uwalni da yo yokwi an yomni kan, kindap gen

10:9: Esi 2.8–3.3

11:1: Esi 40.3; Sek 2.1–2

11:2: Lk 21.24; PA 13.5

11:4: Sek 4.3,11–14

11:5: 2Sa 22.9; Kap 97.3

kaganikon da noman tarjek sorjba mini arj. Asi, amin di unjun amin bamot yo yokwi arj yomni karj, kosit yarjon da si kimotdarj. ⁶ Unjun amin bamot kundu kosit sopmarj ibal kombi gen yonjil bisapmon sikak dima moni dakon tapmim tarj yomarj. Ae pakbi kulabik abal yawi dagoni dakon tapmim kisi tarj yomarj. Ae miktim aminon wasok mibili mibili abal amin yokwi toni dakon tapmim kisi tarj yomarj. Yo unjuden galaktoknikon tagi anjil.

⁷ Pinjkop dakon gen yarj terjterjarj arki wasip arjakwal, jorj kilap yokwisi kinda unjun gapma kidagi mini yipmarj degek kwen wikdisak. Wiñ amin bamot gat emat wamañek amin bamot pabiñ yopmañek dapban kimotdamal. ⁸ Arjakwan bumjotni unjun kokup pap da kosit oba madepmon tokdamal. Kokup pap unjun tilak arjek mani Sodom ae Isip yarj yorj. Unjun kokup pap unjudon gin kalip Amin Tagini tilak kindapmon arjakba kimakgit. ⁹ Amin mibili mibili geni mibili mibili yorj, ae giptimni mibili mibili, ae miktimi miktimi ekwarjon da amin morapmisi da gildat kapbi ae gildat teri kinda amin bamot dakon bumjot pindatdarj. Ae yum pindagakwa amin da bumjotni dimasi wayitni do yokdarj. ¹⁰ Miktim amin da amin bamot unjun kili wagil kunjwamal yarj pindagek, but kwaktok nandarjek notni do but galak yo yomdarj, nido kombi amin bamot unjun miktim amin tepmi madepsi yomgumal.

¹¹ Mani gildat kapbi gat ae gildat teri kinda kinj mudarjakwa, Pinjkop da egip egip mirim yipban amin bamot da butgwan pukwa pidarj akgimal. Agakwal amin bamot pindakgwit amin unjun madepsi pasalgwit. ¹² Arjakwa amin bamot unjun nandarjakwal amin kinda da Kwen Kokupgwan da tebai yarj tidarek yarj yoyigit,

11:6: TP 7.17-20; 1Sa 4.8; 1KA 17.1

11:7: Dan 7.21; PA 12.17; 13.7; 17.8

11:8: Lk 13.34

11:11: Esi 37.5,10

11:12: 2KA 2.11

“Jil idon winjil.” Yanjakwan uwalni pindagakwa amin bamot gikwem kagagwan wigek Kwen Kokup wigigimal.
¹³ Wugakwal unjudon gin wudip madepsi kinda anjakwan kokup pap dakon timi kinda tasik tagit. Anjakwan timi 9 kabi dagin tagi tawit. Unjun wudip da amin 7 tausen yan dapban kimakgwit. Anjaka si egipgwit amin madepsi pasalek Kwen Kokup Pinjkop dakon man yan anjisiwit.

¹⁴ Kili jigi madepsi kosiri 2 kili unjun mudak. Mani nandani, bisap pisipmisok egek jigi 3 noman tokdisak.

Anjelo 7 kwen pisogit

¹⁵ Kili anjelo 7 kweni pisogit. Anjakwan nandanapbo Kwen Kokupgan da madepsi yan tidanjek yawit, “Pinjkop Amin Taginin gat ae Kristoni gat, unjun bamot miktimi miktimi dakon kila amin madep dagamal. Amin Tagi da kila amin madep dagok dagogi mini egi wugikdisak.”

¹⁶ Anjakwan kila amin 24 kabi iyi da kila amin madep yityit tamokon Pinjkop da inamon yikgan, unjun njwakbenj anjek tomni dabilni miktimon yopmanjek Pinjkop gawak imgwit.

¹⁷ Anjek yan yawit,

“Amin Tagi Pinjkop Tapmim Ami,

gak abisok egisal,

ae kalipsigwan egipgul.

Tapmim madepgo abidanjek kila amin madep pigo wasanjek asal,

do nin ya yan gayamanj.

¹⁸ Pinjkop do kuraktok an amin unjun Pinjkop do butjap madepsi nandawit,

mani gak da butjap madepsi pakdisal bisap kili unjun noman tosok.

Abisok amin kimakgwit gen pigokon opni dakon bisap.

Abisok pi monjigo do tomni tagisi yomdisal dakon bisap.

Uñun kombi amin, ae gaga dakon miñat amin kabi, ae gak dakon man do pasalek ekwan amin, uñun amin mani toñ ae mani mini kisi do tomni tagisi yomdisal.

Abisok miñat aminyo pañupbal awit amin, uñun pañtasik aki dakon bisap.”

¹⁹ Kila amin da yan mudanakwa, anelo da Pinjkop dakon Telagi Yut Madep Kwen Kokup tosok uñun witdalgwit. Anakwa Pinjkop dakon Sanjek Sanjek Kinam Telagi Yut Madepmon tarban kawit. Mal da dukwan dukwan yamañakwan kiririn uñun wuwik madepsi yagit. Anakwan miktim wudip anakwan ais morapmi sikak da yan mawit.

Sunduk gat amin kabini gat wagilsi tasik tawit
(Kilapmi 12–20)

12

Jon da miñat gat ae nugim yokwisi madep gat pindakgit

¹ Kili kundukon tilak ñwakñwarisi kinda noman tagit. Tilak uñun yan: Miñat kinda gildat dabil nañ imali do wamgut. Anakwan kanek kandapni da mukgwan tagit, ae gik 12 kabi da busuñikon peliri do tar imgwit. ² Miñat uñun monji kwapni toñ. Monji altok do anakwan tepmi nandane madepsi yan tidagit. ³ Ae kundukon tilak kinda gat noman tagit. Tilak uñun yan: nugim yokwisi giptimi gami madepsi kinda noman tagit. Uñun nugim yokwisi uñun busuñni 7 kabi. Anakwan jomi 10 yan

busuŋikon kwawit. Anjakwan kila amin madep pelit 7 kabi da busuŋikon tawit.

⁴ Uŋun dakon paljigi da kundukon gik morapmi wiririkban miktimon mawit. Uŋun gik kokwin kabi kapbi anek, uŋun dakon kabi kinda kisisi miktimon mawit.

Nugim yokwisi uŋun miŋat uŋun da monji anjalak do agit uŋun da inamon akgit. Miŋat uŋun da monji analanban monji uŋun si nok do jomjom anek akgit. ⁵ Anjakwan miŋat uŋun monji wili anjalagit. Uŋun wili da kila agak dakon ain teban abidanek miŋat amin morap miktimon ekwan uŋun kila tebaisi akdisak. Miŋat monji altanban ujudon gin anan kwen Pinƙop ae Pinƙop da kila amin madep yityit tamo ujudon awigiwit. ⁶ Anjaka miŋat uŋun pasal kin miktim amini minikon kigit. Ujudon Pinƙop da tamoni kili anoman agit. Ujudon kilani anek jap iminakwa wigi gildat 1,260 yan asak.

⁷ Kili Kwen Kokup emat madepsi kinda noman tagit. Maikel gat anelo kabini gat nugim yokwisi madep uŋun gat emat wangwit. Ae nugim yokwisi madep gat ae anelo kabini kisi emat kobogi awit. ⁸ Mani emaron teban toni dakon tapmim dima tan yomgut, do Kwen Kokup ae sanbejek dima egipgwit. ⁹ Pinƙop dakon anelo da nugim yokwisi madep maba pigigit. Nugim yokwisi madep uŋun kalipsigwan egipgut, miktimon amin morap yokwi ani do panƙewaldak. Mani kinda Kon, ae mani kinda Sunduk yan yon. Uŋun maba miktimon pigit, ae aneloni kisi uŋun gat maba piwit.

¹⁰ Kili uŋun da kwenon nandanapbo Kwen Kokupgan da amin kinda da madepsi yan tidanek yan yagit,

“Abisok Pinjopnin da miñat amin kabini yokwikon banj timikdak. Tapmimni altan teñteñajakwan kila amin madep yikdak. Anjakwan Kristoni man madepni gat ae tapmimni gat abisok timikdak. Nido, notnin gen yanj yomisak amin abisok anjelo da kili maba pigik. Uñun gildat kalba ae kalbiyo Pinjopnin da injamon gen yanj yomgut. ¹¹ Notnin egip egipni panjutnok do dima nandawit. Sipsip Monin da yawikon, ae Pinjop dakon gen yanj teñteñawiron da tapmim panjek emaron teban tanej uwal abin yipgwit. Kimot do pasol pasol dima awit. ¹² Kwen Kokup gat ae Kwen Kokup ekwan amin morap ji kisik kisik ani! Mani miktim gat ae tap gat yagosil! Nido Sunduk jikon kili pik. Pik da bisap pisipmisok egipdisat yanj nandisak, do butjap madepsi nandisak.”

¹³ Nugim yokwisi unun nak maba miktimon pigim yanj kanej, miñat unun monji wili anjalagit unun an-sopgut. ¹⁴ Mani nugim yipmanek dubagikon miktim amini minikon tagi pidan kisak do sinjin madepsi dakon piri bamori unun miñat do imgwit. Unudon kin bilak kapbi ae bilak diwari kinda egakwan kilani anjaka nugim yokwisi madep da aripmi dima anupbal asak. ¹⁵ Kili nugim yokwisi madep unun da pakbi gen kaganikon da wandikgit. Pakbi unun pakbi madepsi da yanj pak abigek miñat unun yolgit. Nugim yokwisi unun pakbi pak abigek miñat unun anjan abigakwan pasiljak yanjon da agit. ¹⁶ Mani miktim da miñat anpuluganej gen kagani anjan kinakwan nugim yokwisi madep da pakbi unun wandikgit unun miktim da si nan mudagit. ¹⁷ Anjakwan nugim yokwisi madep unun miñat do butjap madepsi nandagit, do miñat unun dakon monji diwari gat emat

wam do kigit. Miñat dakon monji unun Piñkop dakon gen teban morap guramik kimokgoñ, ae Yesu dakon gen yañ tentenajek Yesu yolgañ amin unun. ¹⁸ Nugim yokwisi unun tap idap da ileñikon akgit.

13

Joj kilap yokwisi bamori noman tagimal

¹ Ae kañapbo joj kilap yokwisi kinda tap kagagwan da noman tañ wigit. Unun busuñi 7 kabi. Anjakwan jomi 10 kabi da busuñikon kwawit. Anakwa kila amin madep dakon pelit 10 kabi jomikon tawit. Ae busuñikon man tañ tañ awit. Man unun Piñkop jigilak mibili mibili yañ imim dakon man da tawit. ² Joj kilap yokwisi unun kagim unun joj pusiket madep lepat yañ yoñ, unun yombem. Mani kandapmi unun bea dakon yombem, ae gen kagani laion dakon yombem. Nugim yokwisi madep unun da iyi dakon tapmim, ae kila amin yityit tamoni, ae kila agak dakon yañ dagok madepni, unun joj kilap yokwisi do imgut.

³ Unun joj kilap yokwisi dakon busuñi kinda si kimori da tilak wudani tañ imgut, mani aeni kibidagit. Anjakwan miktimon miñat amin morap kisi unun kañ nimnimigek yolgwit. ⁴ Nugim yokwisi madep unun da joj kilap yokwisi do kila amin pi asak do yañ mudar imik, do nugim yokwisi madep unun gawak imgwit. Ae joj kilap yokwiyo kisi gawak imiñek yañ yawit, “Namin amin joj kilap yokwisi yombem? Ae namin amin gat emat aripmi tagi wamjil?”

⁵ Piñkop da yum kañakwan joj kilap yokwisi unun iyi do nandaban wigakwan Piñkop do jigilak yañ imgut, ae kanek 42 da aripmon pi unun asak dakon yañ dagok Piñkop da imgut. ⁶ Unun gen kagani witdalek Piñkop jigilak yañ imgut. Yañ imiñek Piñkop dakon man, ae

Piņkop dakon kokup, ae amin Kwen Kokup ekwarj kisi do manji gen yagit. ⁷ Piņkop da yum karajakwan Piņkop iyı dakon miņat amin kabikon emat agit. Emat aņek dapmaņek pabiņ yopgut. Uņun amin kisi dakon kila amin madep tagi egipjak, ae miktimi miktimi kisi, ae gen mibili mibili yoņ kisi, ae giptimi mibili mibili kisi dakon kila amin madep tagi egipjak dakon yaņ dagok aņ ibi. ⁸ Piņkop da miktim dima wasagit bisapmon amin morap egip egip papiakon mani dima mandagit, uņun amin da joņ kilap yokwisi gawak imdaņ. Papia uņun Sipsip Moniņ kalip aņakba kimakgit, uņun dakon.

⁹ Amin mirakni toņ da gen on pakyarjsi nandani!
¹⁰ Amin kinda dam tebanon pigisak do manjikbi kaņ, uņun dam tebanon pigikdisak. Ae amin kinda emat agak sibakon kimotjak do manjikbi kaņ, emat agak sibakon kimotdisak. Yo uņuden noman taņba, Piņkop dakon miņat amin kabi butni yawori taņakwa tebai agek nandaņ gadatni tebaisi abidoni.

Joņ kilap yokwisi 2 uņun da miktim amin paņkewalgit

¹¹ Aeno joņ kilap yokwisi kinda gat kaņapbo miktim kagagwan da wigit. Uņun jomi bamori sipsip moniņ dakon jom yombem. Ae gen yogokni uņun nugim yokwisi madep kinda egisak dakon yombem. ¹² Joņ kilap yokwisi 2 uņun da joņ kilap yokwisi mibiltok nani dakon kila agak dakon tapmim kisisi yaņ dagok aņ imgut. Uņun tapmim naņ joņ kilap yokwisi mibiltok nani da iņamon pi agit. Uņun tebaisi yoyiņakwan miktim gat ae miņat aminyoni gat da joņ kilap yokwisi mibiltok nani gawak imgwit. Joņ kilap yokwisi si kimori da tilak wudani taņ imgut mani wudani aeni kibidagit. ¹³ Joņ kilap yokwisi 2 uņun

13:7: PA 11.7 **13:8:** Kap 69.28; PA 17.8; 20.12,15; 21.27 **13:10:** Jer 15.2; 43.11; PA 14.12 **13:13:** 1KA 18.24-39; Mt 24.24; PA 19.20

da wasok tapmimi toŋ madep madep baŋ agit. Wasok tapmimi toŋ kindap agit uŋun yaŋ: Amin da dabilon wasok aban kindap si sojek Kwen Kokup yipmaŋek miktimon piwit. ¹⁴ Piŋkop da tapmim imiŋakwan wasok tapmimi toŋ morap joŋ kilap yokwisi mibiltok nani da iŋamon aŋek miktim amin paŋkewalgit. Aŋek joŋ kilap yokwisi uŋun kalip emat agak siba da aŋakgit, mani abisok egisak gin, uŋun dakon man yaŋ aŋkisik do kindap baŋ wupni pasini do tebaisi yoyigit. ¹⁵ Piŋkop da tapmim imiŋakwan egip egip dakon mirim joŋ kilap yokwisi dakon wupmi wasawit do iban gen yagit. Ae amin morap joŋ kilap yokwisi dakon wupmi wasaŋbi do dima gawak imni uŋun da si dapban kimotdaŋ.

¹⁶ Joŋ kilap yokwisi 2 da tebaisi yoyiŋban amin morap dakon kisit amin tetnikon, ae iŋamnikon tilak kindap yipgwit. Amin isali, ae mani toŋ, ae yoni morapmi amin, ae yoni mini amin, ae oman amin dima ekwaŋ amin, ae oman amin ekwaŋ amin kisi tilak yopmaŋ yomgwit. ¹⁷ Do amin kindap uŋun joŋ kilap yokwisi dakon tilakni mini kaŋ, aminon yumaŋ nok dima asak, ae uŋudon yumaŋ nok dima ani. Joŋ kilap yokwisi dakon tilakni uŋun iyi dakon mani, ae mani dakon namba. ¹⁸ Amin nandak nandakni tagisi da joŋ kilap yokwisi dakon namba pakyarŋsi manjiŋ nandisak. On uŋun amin dakon namba. Nambani uŋun 666.

14

Sipsip Moniŋ dakon miŋat amini kap kalugi yawit

¹ Nak aeno kaŋapbo, Sipsip Moniŋ Saion Kabap uŋudon akban kagim. Agakwan amin 144 tausen uŋun gat kisi akgwit. Sipsip Moniŋ dakon man gat ae Datni dakon man gat iŋamnikon mandabi. ² Ae nandaŋapbo wuwik tagisi

kinda Kwen Kokupgwan da apgut. Uñun pakbi madep morapmi dakon wuwik yombem, ae kiririñ madep da yañ agit. Wuwik nandagim uñun amin da gita tidañakwa gen yoñ uñun dakon wuwik yombem. ³ Kap kalugi kinda Piñkop dakon kila amin madep yityit tamokon yawit. Ae yo 4 kabi egip egipmi toñ da iñamon ae kila amin da iñamon yawit. Amin 144 tausen yañ Piñkop da miktimon miñat aminyo da binapmon yokwikon bañ yumañ nañ yopgut, uñun kabi dañin kap uñun tagi nandaba pisosak. ⁴ Uñun amin kabi miñat gat yumabi dima añek gwaljiñi minisi egipgwit. Kokup morap Sipsip Moniñ da kik do agit, uñun yol awilgañ gin. Uñun Piñkop da miktimon amin da binapmon bañ yokwikon bañ yumañ nañ yopgut, do uñun Piñkop da miñat amin kabini mibiltoksi timikgit da yañsi egipdañ. Yañ agit, do iyi gat ae Sipsip Moniñ gat dakon miñat amin kabi egipni. ⁵ Top gen kinda dimasi yawit. Gulusuñni mini egipgwit.

Añelo kapbi da yañ tenñenok awit

⁶ Nak aeno kañapbo ae añelo kinda kwen binap kwan kagim. Uñun da Gen Bin Tagisi dagok dagogi mini amin miktimon ekwañ yoyiñ tenñenosak do yabekbi. Miktimi miktimi miñat amin kabi morap, ae geni mibili mibili yoñ, ae giptim kildani mibili mibili uñun kisi do yabekbi. ⁷ Uñun da abiñ gen papmon da yañ yagit, “Piñkop do pasal imiñek man madepni yañ añenotni, nido Piñkop da amin gen pikon yopjak dakon bisap madep kili abik. Piñkop kundu ae miktim ae tap ae pakbi dabil morap wasañ yopgut uñun gawak imni.”

⁸ Ae añelo kinda buñon yolgit uñun da yañ yagit, “Kokup madep Babilon uñun kili tuwil kigit. Asi, uñun kili tuwil kigit. Kokup madep Babilon amin da yumabi

anjpakni tebaisi tanj yomgut. Ae miñat amin kabi morap miktimon ekwanj unun kisi da yumabi anjak ani do tebaisi yoyinj dekgwit. Unun awit unun wain morapmi yoba nawit tanj yombem agit.”

⁹ Unun anjelo bamot da buñon ae kinda da abinj gen papmon da tanj yagit, “Amin kinda jonj kilap yokwisi ae wupni gawak iminjek tilakni injamikon ae kisirikon abidosak kanj ¹⁰ wain kinda nokdisak. Wain unun Pinjkop dakon butjap nanj nokdisak. Wain unun pakbisi nanj dima anjyawot akdisak. Tomni yokwisi yomjak kapmon iyi dakon butjapni tagalban nokdisak. Unun amin Pinjkop dakon telagi anjelo kabi da injamon, ae Sipsip Moninj da injamon tepmi madepsi pakdisak. Tip salfa tepmisi sosok unudon tepmi madepsi pakdisak. ¹¹ Kindap unun soñakwan tepmi panigwan da mukwa mudok mudogi mini pidokdisak. Amin kinda jonj kilap yokwisi ae wupni gawak iminjek mani dakon tilak abidosok unun amin yik nandat dimasi asak. Gildari gildari ae pilini pilini tepmi pi mudok mudogi mini pakdisak.”

¹² Unun bisapmon Pinjkop dakon miñat amin kabi butni yawori tanjakwa geni guramikanj, ae Yesu tebaisi nandanj gadanj imanj amin unun tebaisi atdo.

¹³ Kili nandanjapbo Kwen Kokupmon da amin kinda da tanj yagit, “Gen tanj mandaki, ‘Abisok miñat amin kabi Amin Tagi nandanj gadanj iminjek kimokgonj ae don kimotni unun kisik kisik tagi ani.’” Ae Telagi Wup da yanji yosok, “Asisi, amin unun oman pi madepsi awit unun yipmanjek yik yawot pani. Tanj anjakwa anjak kilagisi awit unun mandabi da tonj unun da yolba kisi kini.”

14:9: PA 13.12-17 **14:10:** WW 19.24; Kap 75.8; Ais 51.17,22; Jer 25.15-16; Esi 38.22; PA 16.19; 20.10 **14:11:** Ais 34.10 **14:12:** PA 13.10

Miktimon jap morap bami kili pik tawit, unjun pakpak dakon bisap noman tak

¹⁴Unjun da kwenon nak gikwem kwakwagi kinda kagim. Unjun gikwemon

“amin dakon monji yombem kinda”

yikban kagim. Busunikon kila amin madep dakon pelit gol ban wasanbi kinda tagit, ae kisitnikon jap bami pakpak siba geni tepmisi kinda abidagit. ¹⁵Ae anjelo kinda Pinjkop da Telagi Yut Madepmon da abigi amin unjun gikwemon yikgit unjun tebaisi yan tidanjek yan iyigit, “Sibago abidanjek jap bami tan balja. Miktimon jap morap kisi kili pik tan, do abisok jap unjun baljoki dakon bisap.”

¹⁶Yanjakwan amin unjun gikwemon yikgit unjun sibani abidanjek miktimon jap pik tawit unjun baljagit.

¹⁷Ae anjelo kinda gat Pinjkop dakon Telagi Yut Madep Kwen Kokup tosoq unjun yipmanjek wanga pigit. Unjunyo kisi jap bami pakpak sibani geni tepmisi kinda abidagit.

¹⁸Ae anjelo kinda alta yipmanjek apgut. Anjelo unjun kindap sosok dakon kila agak dakon tapmim tan imgut. Unjun da anjelo jap bami pakpak siba geni tepmisi abigit amin gen tebaisi yanjek yan iyigit, “Miktimon wain sop kili pik tan mudan, do gak sibago geni tepmisi unjun abidanjek miktim dakon wain sop unjun mandanjek timi kindakon gin panmuwukgi.” ¹⁹Yanjakwan anjelo sibani abidan miktim dakon wain sop mandanjek panmuwuk yopgut. Yopmanjek wain sop unjun baman til do baman til tamo madep kindagwan similgit. Baman til tamo madep unjun Pinjkop dakon butjap dakon tilak asak.

²⁰Unjun wain sop baman til tamo madep kokup pap da wanga tagit, wain sop unjudon baman tilgwit. Anjakwa unjungwan da yawi madepsi pak abigek miktim kisi

witjinban 300 kilomita da arip agit. Anjakwan yawi wiŋaŋ wiŋ os da gen kagakon ain tim tosok unun da aripmon wigigit.

15

Anjelo 7 kabi da yo yokwisi 7 kabi timikgwit

¹ Ae Kwen Kokupmon tilak masi masimi ae tapmimi toŋsi kinda noman taŋban kagam. Anjelo 7 kabi pindakgam. Unun da amin paŋupbal ak do yo yokwisi 7 kabi timikgwit. Yo yokwisi unun da mudajakwa ae yo kinda dima noman tosak, Piŋkop dakon butjapni wagil mudokdisak.

² Ae yo kinda tap idap madep yombem kagam. Unun tap idapmon glas gat kindap gat iktagilbi. Tap idap glas yombem unun da kidipmiŋon amin morapmi akgwit. Unun amin kabi emaron teban taŋek joŋ kilap yokwisi gat ae wupni gat ae mani dakon nambani abiŋ yipgwit amin. Unun gita Piŋkop da yomgut unun timikgwit. ³ Anjek Piŋkop dakon oman amini Moses gat, ae Sipsip Moniŋ gat dakon kap yawit. Kap unun yaŋ:

“Amin Tagi Piŋkop Tapmim Ami,

pi masi masimi tapmimi toŋsi asal.

Amin kabi morap dakon Kila Amin Madepni, anpakgo unun kilegisi ae bamisi.

⁴ Amin Tagi, gak kalonŋ daŋin telagisi egisal, do namin da gak do pasalek mango dima yaŋ anjakisisak?

Anpakgo kilegisi unun kili altaŋ noman tawit, do miktim morap dakon amin da abiŋek gawak gamdaŋ.”

⁵ Unun da kwenon aeno siŋtoko Piŋkop dakon telagi imal yutni Kwen Kokup tosok unun witdalgwit. ⁶ Anjelo

7 kabi unun amin panjupbal ak do yo yokwisi 7 kabi timikgwit, unun Pinjkop dakon yut yipmanjek wanga piwit. Unun imal gwaljigi minisi tentenini tonj ban pawit. Ae pibirikon imal dak gol ban wasanbi ban pangwasinek wamgwit. ⁷ Yo 4 kabi egip egipmi tonj da kabikon kinda da idap madep gol ban wasanbi 7 kabi anjelo 7 kabi do yomgut. Pinjkop, dagok dagogi mini egi ananj kisak teban, unun dakon butjapni unun idap madepmon tujan tawit. ⁸ Ae Pinjkop dakon tilimni gat ae tapmimni gat dakon mukwa Telagi Yut Madepmon tujan tawit. Amin kinda da unjungwan aripmi dima wigisak. Anjelo 7 kabi da yo yokwisi 7 kabi ban pini aba daganakwa don wigigi.

16

idap madep 7 kabi Pinjkop dakon butjapni tonj unun tagalgwit

¹ Nandanapbo Pinjkop da Telagi Yut Madepgan tek madepsi kinda nandagim. Unun anjelo 7 kabi tebai yanj tidanjek yanj yoyigit, “Ji Pinjkop dakon butjap unun idap madep 7 kabikon tonj unun pabidanj panji miktimon tagalni.”

² Yoyinban anjelo mibiltogi da idap madepni miktimon tagalgit. Yanj anjakwan wuda teban yokwisi tepmini madepsi mibili mibili amin jonj kilap yokwisi dakon tilakni tanj yomgwit, ae wupni wasanbi do gawak imgwit, unun da giptim timon yikgwit.

³ Ae anjelo 2 idap madepni tap idapmon tagalgit. Tagalban tap idap amin kili kimakbi dakon yawi yombem agit. Anjakwan tap kagagwan yo morap egip egipmi tonj unun kimakgwit.

⁴ Ae anjelo 3 idap madepni pakbi madep ae pakbi dabil da kwenon tagalgit. Tagalban pakbi morap kisi yawi dagawit. ⁵ Anjakwan nandañapbo anjelo pakbi kila agit unun da yan yagit, “Piñkop, Telagi Amin, gak abisok egisal, ae kalipsigwan egipgul. Anpakgo wagil kilegisi, do kokwin kilegisi anjek yo yokwisi altañ yomni do yagil. ⁶ Unun amin kabi da kombi amingo gat, ae miñat amin kabigo gat dapmanakwa yawini tayiñigiwit. Yokwi unun awit do gak da yawi koleñ yobi noñ. Yokwi awit dakon kobogi tagi timikgañ.” ⁷ Ae nandañapbo altakon da amin kinda da yan tidañek yan yagit, “Amin Tagi Piñkop Tapmim Ami, gak da amin gen pikon anpakni kokwin an yomisal. Asisi, gen pikon yopyopgo unun wagil bamisi ae kilegisi gin asal.”

⁸ Kili anjelo 4 da idap madepni gildaron tagalgit. Tagalakwan Piñkop da gildat do tapmim imiñakwan gildat da madep taneñ amin soñ yomgut. ⁹ Gildat tepmisi soñek, amin unun obisi soñ yomgut. Anjakwan Piñkop ibipgwit. Piñkop da nandañakwan yo yokwisi unun altañ yomgwit, mani but tobil anjek mani ñima yan anjisiwit.

¹⁰ Kili anjelo 5 da joñ kilap yokwisi dakon kila amin madep yiyit tamokon idap madepni tagalgit. Tagalakwan amin morap joñ kilap yokwisi da kila agit, unun pilin tuk madepsi altañ yomgut. Tepmi madepsi nandañek meli injiwit. ¹¹ Tepmi madepsi pawit, ae giptimnikon wuda tawit, unun do nandañek Kwen Kokup dakon Piñkop ibipgwit. Mani anpak yokwisi awit unun but tobil anjek manji yom do ñima nandawit.

¹² Ae anjelo 6 da idap madepni pakbi madep Yupretiskon tagalgit. Tagalban pakbi wagilsu kibidañakwan amin tagi madep gildat da si wisak tetgin da opni do kosit anjoman agit. ¹³ Ae koñ kapbi mengak yombem pindakgim. Kinda

uñun nugim yokwisi da gen kagakon da wigit, ae kinda uñun joñ kilap yokwisi da gen kagakon da wigit, ae kinda kombi amin toptopmi da gen kagakon da wigit. ¹⁴Uñun koñ yokwisi kabi wasok tapmimi toñ mibili mibili awit. Uñun miktimi miktimi dakon kila amin madepni do dukwan dukwan kiwit. Uñun kiñ kila amin madep timikba emat amini gat abij muwukba, Piñkop Tapmim Ami da amin gen pikon yopdisak dakon bisap madepmon Piñkop gat emat wam do muwutdañ.

¹⁵ “Nandani. Nak tepmisi kabo noknok da tilagon jikon opdisat. Amin kinda dima pagek yik imalni iyi da kapmatjok toni kañ, uñun amin kisik kisik asak. Nido, uñun amin molañ molañ dima agipjak, anjakwan amin da mayagini aripmi dima kokdañ.”

¹⁶Kili koñ da kila amin madep gat emat amini gat timik panabij miktim tim kinda lbru genon da Amegedon yañ yoñ uñudon panmuwukgwit.

¹⁷Kili anelo 7 da idap madepni kundukon tagalgit. Anjakwan Piñkop da Telagi Yut Madepgwan, kila amin madep yityit tamonikon da amin kinda dakon gen kaga da yañ tidanjek yañ yagit, “Kili uñun mudosok.”

¹⁸Yanjakwan mal da dukwan dukwan kisi yamgwit. Anakwa wuwik madepsi noman tanjakwan kiririj anakwa wudip madepsi agit. Wudip uñun madepsi daman agit. Miktimon amin egi anaj obañ bisapmon wudip madep uñuden kinda kalip dima noman tagit. ¹⁹Kili kokup pap Babilon pudañ ki timi kapbi awit. Anakwa minjat amin morap dakon kokup pap morap wagil tuwil ki tasik tañ mudawit. Piñkop da kokup pap Babilon dakon anpak yokwisi do nandanjek, wain kapmon iban nagit. Wain

16:14: PA 19.19

16:15: Mt 24.43-44; PA 3.3

16:16: Sek 12.11

16:18: PA 4.5; 8.5

16:19: PA 14.10

uñun Piñkop dakon butjap damani. ²⁰ Wudip daman anjakwan miñtim tim morap tap binap tawit uñun kisisi tap kagagwan pigiwit, ae kabap morap kisisi tuwil ki minisi awit. ²¹ Anakwa ais sikak madepsi mawit. Ais tim kalon kalon mawit dakon jigini uñun 50 kilo da arip. Uñun ais sikak kundukon da amin da kwenon manjek, amin wagilsi dapman panjasik awit. Piñkop da ais sikak uñun yipban man obisi panjupbal aban uñun do Piñkop ibipgwit.

17

Yumabi miñat madep tomni yokwisi timikgit

¹ Uñun anjelo 7 kabi idap madep 7 kabi timikgwit kabikon da kinda da abin yan nayigit, “Gak apbi yumabi miñat pakbi madep madep da kapmatjok yikdak, ni tomni yokwi ban timitdisak uñun goliko. ² Miñtim dakon kila amin madepni uñun miñat gat yumabi morapmi awit. Ae miñtim amin morapmi kisi miñat uñun gat yumabi awit uñun but upbal anjek pakbi teban noknok amin yombem awit.”

³ Kili Telagi Wup da butnokon pigi madepsi tujanjakwan anjelo uñun da nak anjan miñtim amin dima ekwan timon anki nepgut. Uñudon miñat kinda jon kilap yokwisi gami kinda da kwenon yikban kagim. Uñun jon kilap yokwisi da kwenon man morapmisi tawit. Uñun man morap uñun Piñkop do manji gen mibili mibili tawit. Jon kilap yokwisi uñun busuñni 7 kabi, ae jomi 10 kabi yan busuñikon kwawit. ⁴ Miñat uñun imal pagit uñun gami ae pili yombem ban pagit. Tilimni gol ban wasanbi mibili mibili, ae tilim tip kildani tagisi ban wasanbi, ae kindirinj yoman nogi wukwisi ban wasanbi ban pagit. Kisirikon kap gol ban

16:20: PA 6.14 16:21: TP 9.23-24; PA 11.19 17:1: Jer 51.12-13

17:2: Ais 23.17; Jer 51.7; PA 14.8 17:3: PA 13.1 17:4: Jer 51.7; PA 18.16

wasanji kinda nanj abidagit. Piŋkop da dabilon anpak injan injani agit gat, ae yumabi agit dakon garak gat, unun kisisi unun kapmon tugan tawit. ⁵ Miŋat unun injamnikon mani mandawit. Mani unun tilak gen yombem kinda. Mani unun yan: “Kokup Pap Madep Babilon, unun Yumabi Miŋat Morap gat, ae Anpak Yokwisi Miktimon Tosok unun dakon Merji.” ⁶ Unun miŋat da Piŋkop dakon telagi amin kabi, Yesu nandan gadan iminek mani yan tentegawit amin dapban kimakgwit. Unun miŋat kanapbo amin unun dakon yawini nanek but upbal amin yombem agit. Unun kan wiripdagek but morap nandagim.

⁷ Kili anelo da yan nayigit, “Gak nido wuripdakdal? Miŋat jon kilap yokwisi busunji 7 kabi ae jomi 10 kabi unun da kwenon yikban kwamal, unun bamot dakon mibili pasili tosoke, mani nak unun do golikdisak. ⁸ Jon kilap yokwisi kagil, unun kalipsigwan egipgut, mani abisok ae dima egisak. Mani gapma kidagi mini yipmanek kwen wikdisak. Wiŋek Piŋkop da anakban wagil pasildisak. Miktim amin, Piŋkop da miktim dima wasagit bisapmon amin morap egip egip papiakon mani dima mandagit amin kabi, unun da jon kilap yokwisi kanek wuripdatdan. Nido, kalip egipgut, ae abisok dima egisak, ae don noman tokdisak.

⁹ “Amin nandak nandakni tagisi da yo unun do tagi nandaba pisokdisak. Busunji 7 kabi unun ilej 7 kabi dakon tilak asak. Ilej 7 kabikon miŋat unudon yikdak. ¹⁰ Ae busunji 7 kabi unun kila amin madep 7 kabi dakon tilak kisi asak. Kila amin madep 5 unun kili kimakgwit, ae kinda abisok egisak, ae kinda don noman tokdisak. Noman tosak bisapmon bisap pisipmisok egipdisak. ¹¹ Jon kilap yokwisi unun kalip egipgut da abisok dima egisak, unun kila amin

madep unjun 8. Mani kila amin madep 8 unjun 7 kabi da kabikon nani. Unjun wagil pasildisak.

¹² “Ae jom 10 kabi unjun joŋ kilap yokwisi da kwenon kwawit, unjun kila amin madep 10 kabi dakon tilak asak. Unjun kila amin madep dima noman taŋ. Mani joŋ kilap yokwisi unjun gat yaŋ dagok kalonŋi paŋek kila amin madep pini unjun 1 awa da tilak gin akdaŋ. ¹³ Kila amin madep unjun nandak nandakni kalonŋi dagin tokdisak. Aŋek kila amin pi asak do tapmimni gat ae yaŋ dagokni gat unjun joŋ kilap yokwisi dogin imdaŋ. ¹⁴ Yaŋ aba Sipsip Moniŋ gat emat wamdaŋ. Wamaŋek Sipsip Moniŋ da wagilsi pabiŋ yopdisak, nido, unjun amin tagi morap dakon Amin Tagini, ae kila amin madep morap dakon Kila Amin Madepni. Unjun dakon amin kabini unjun iyi yaŋ yomgut aŋek iyi do manjiŋ yopgut da geni tagisi guramikgaŋ. Unjun amin kabi gat Sipsip Moniŋ gat da emaron teban tokdaŋ.”

¹⁵ Aŋelo da saŋbenek yaŋ nayigit, “Pakbi madep unjun karjaki yumabi miŋat unjun da kapmatjok yikban kal, unjun amin mibili mibili morap gat, ae giptim mibili mibili gat, ae gen mibili mibili morap gat, ae amin kabi morap egi aŋaŋ kwaŋ unjun dakon tilak asak. ¹⁶ Jom 10 kabi unjun pindal, unjun jom gat ae joŋ kilap yokwisi gat da unjun yumabi miŋat do nandaba yokwi tok aŋimdaŋ. Unjun obisi aŋtasik aŋek imalni kisisi wiririkba molaŋ atdisak. Yaŋ aŋek giptimni dakon sabamni naŋek kindapmon wagil sokdaŋ. ¹⁷ Piŋkop da iyi kila amin madep 10 kabi unjun do nandak nandak yomdisak. Yoban yo morap noman toni do kili nandagit, unjun noman tokdaŋ. Unjun but kalonŋ aŋek kila amin madep tapmim pawit unjun tapmim kisi joŋ kilap yokwisi dogin imdaŋ. Yaŋ aŋakwa wigi Piŋkop da yo morap altaŋ mudoni do yagit unjun altaŋ

mudokdar. ¹⁸ Miñat unun kal, kokup pap madep unun kila amin madep morap miktimi miktimi egi anjar kwan unun da kilani asak dakon tilak asak.”

18

Babilon kili tasik tagit

¹ Unun da kwenon kanapbo anelo kinda gat Kwen Kokup yipman pigit. Unun man bini ton, ae tilimni tagisi do anek miktim madepsi tentenagit. ²⁻³ Tebaisi yan tidanek yan yagit, “Miktim morap dakon amin Babilon gat yumabi morapmi awit. Unun dakon waini tebaisi ban yan nawit. Ae miktimi miktimi dakon kila amin madepni gat kisi yumabi unun gat awit. Babilon amin unun yoni morapmi ae yaworisi egek kisik kisik egipgwit, do miktimi miktimi monej ilit pi an amin unun yoni morapmi amin dagawit. Anpak yokwisi unun agit do kokup pap madep Babilon unun kili tasik tak! Unun kili tasik tak! Unun abisok kon da egipni dakon tamo dagak. Kon yokwisi gat, ae minam injani yokwisi mibili mibili gat kisi unudon ekwan.”

⁴ Ae Kwen Kokupgan da amin kinda da yan yagit, “Miñat amin kabino, ji kokup pap unun yipmanek abigini. Anpak yokwi asak, do unun gat agek yokwi di abam. Ae yokwi agit dakon kobogi timitdisak, do jiyo kisi di timikbam. ⁵ Yokwini panabin kakwanakwan Kwen Kokup da tilagon wigigit. Pin kop da yokwi morapni agit unun pakyansi nandan kimokdok. ⁶ Ji unun yumabi miñat da amin do anpak yokwisi nian anyomgut, unun anpak yan gin an imni. Unun da pakbi teban tebaisi kapmon wasagit. ⁷ Unun iyi dakon man awigek yumabi mibili mibili agit.

18:2-3: Ais 13.21; 34.11-14; Jer 50.39; PA 14.8 **18:4:** Ais 48.20; Jer 50.8; 51.6,45; 2Ko 6.17 **18:5:** WW 18.20-21; Jer 51.9 **18:6:** Kap 137.8; Jer 50.15,29; 2Tes 1.6 **18:7:** Ais 47.7-9

Do yokwi morapmi unun agit, unun da aripmonsni tepmi madepsi iminjakwa kunam morapmisi tatjak. Unun iyi dakon man awigek yan yosok, 'Nak minjat madep egisat, do minjat madep da yityit tamo madepmon nak unudon yikdat. Nak minjat sakwabat da yan isal dima egisat. Jigi abisok dima altan namni anjakwa kunam aripmi dima takgej. Aripmi dimasi.'

⁸ "Yan yosok, do yo yokwisi mibili mibili gildat kalongin altan imdan. Sot yokwisi noman tokdan, ae amin morapmi kunam tatdan, ae jap do madepsi akdan. Anjakwa kindap da Babilon sonban pasildisak. Pijkop Amin Tagi, unun tapminni madepsi, unun da Babilon dakon anpak kili kokwinikgit, do si tasik tosak do yagit.

⁹ "Miktimi miktimi dakon kila amin madep unun gat yumabi awit, ae yaworisi ae kisik kisiksi egipgwit, do kokup pap unun sosak dakon mukwani pidanban koni bisapmon bupmi kunam yo anjek but yokwisi anjek egipdan. ¹⁰ Kanba tepmi yokwisi unun paban kanjek, madepsi pasoldan. Anjek dubagikon da agek yan yokdan, 'Bupmi, bupmisi, Babilon gak. Gak madepsi, ae kokup pap tebaisi! Bisap awa kaloni dogin yokwi agil dakon kobogi yo yokwisi kili noman tan gamik!'

¹¹ "Amin da sanberjek yo kabini dima yumdan, do monej ilit ilit amin miktimi miktimi ekwan unun da Babilon do nandanek bupmi kunam yo anjek but yokwisi anjek egipdan. ¹² Yuman nok dakon yoni unun gol, silwa, ae tip tomni wukwisi, ae kindirin tomni wukwisi, ae imal kwakwagi tagisi, ae imal gami mibili mibili, ae silka imal, ae kindap kibani tagisi morap kisi, ae elepan jom ban yo mibili mibili wasawit kisi, ae yo mibili mibili kindap tomni wukwisi ban wasawit gat, ae ain kinda mani bras, ae ain

gat, ae tip tilakni mibili mibili yanj. ¹³ Ae yomañ nok dakon yoni diwari kisi tañ yomgwit, unun sinamon, ae jap pangalak ak yo mibili mibili, ae mukwa kibanj tagisi sogok dakon yo, ae bit nelak kibanj tagisi mibili mibili, ae wain, ae olip dakon nelagi, ae plaua tagisi gat, ae wit. Ae bulmakau, ae sipsip, ae os, ae oskon da amin pawil tamo, ae oman monji kisi. Unun yo morap amin di da sanbejek yumyumi mini. ¹⁴ Monej ilit ilit amin unun da yanj yokdan, ‘Yo tagisi morap unun butgo dasi timikgen yanj nandagil, unun yo morap gak da dubagisikon toñ. Yo tagisi morapgo yumañ nogi wukwisi gat, ae tilimgo tagi tagi morapgo unun kisisi pasil mudan. Ae sanbejek dima pindatdisal.’

¹⁵ “Ae amin monej ilit pi unun yo morap banj awit, anjek unun kokup papmon monej morapmisi timikgwit, unun amin da kokup pap unun da tepmi yokwisi pakdisak unun kanjek madepsi pasoldan. Anjek dubagisikon da agek kunam bupmiyo anjek but yokwisi egipdan. ¹⁶ Anjek yanj yokdan, ‘Kokup pap madep, wagil bupmisi! Kalip imal kwakwagi tagisi, ae imal gami mibili mibili banj pagil. Yanj anjek giptimgo gol, ae tip kildani tagisi, ae kindirin yumañ nogi wukwisi banj panjilim agil. ¹⁷ Bisap awa kalonj dogin monej morap unun gat ae tilim gat unun wagil tasik tañ mudan.’

“Tap wakga pawilgan amin morap gat, ae tap wakgakon da miktim njwakjwarikon kwanj amin morap gat, ae tap wakgakon pi anj amin morap gat, ae amin morap tap idapmon monej ilit pi anj amin, unun kisi Babilon da dubagikon agek ¹⁸ kindap soñ imjak dakon mukwa kanjek, yanji yanj tidokdan, ‘Kokup pap madepsi oden kinda dimasi tagit.’ ¹⁹ Yanj yanjek miktimon kimbabanj timik

18:15: Esi 27.31,36

18:16: PA 17.4

18:17: Ais 23.14; Esi 27.27-29

18:18: Esi 27.32

busurñikon maba wugakwa, bupmi kunam yo anjek but yokwisi anjek egipdañ. Yañ anjek yañ tidanek yañ yokdañ, 'Kokup pap madep awa, bupmisi! Tap wakga dakon ami morap tap idapmon akwañ unun kokup pap dakon moneñ morapni bañ timigek yoni morapmi amin dagawit. Bupmisi! Bisap awa kalonji dogin unun kokup pap wagilsi tasik toso!'

²⁰ "Kwen Kokup gat, ae Piñkop dakon miñat amin kabi gat, ae yabekbi kabi gat, ae kombi amin kabi gat, ji kisi unun kokup papmon abisok yo noman toso unun do kisik kisik ani. Piñkop da unun kokup pap da jikon anpak yokwi andangut unun kokwinigek unun dakon kobogi imisak."

²¹ Gen unun yañ mudanjakwan anjelo tapmimi toñ kind da tip madep kind abidagit. Tip unun wit misinikgañ dakon tip dakon tilak, madepsi. Tip unun anenak maban tap kaga pigigit. Maban pigakwan yañ yagit, "On asat yañ gin unun kokup pap madep Babilon abidañ tebaisi maba pigikdisak. Maba pigakwan amin da ae sanbejek dima kokdañ. ²² Do Babilon gagon gita dakon gen, bo kinam kirin dakon gen, bo kweñ, ae sanbejek gak da nagalgwan dimasi yokdañ. Ae kisit kilda amin pi mibili mibili an unun sanbejek gagon dima egipdañ. Ae tip madep da wit misinikgañ dakon wuwigi gagon sanbejek dima toso."

²³ Ae lam dakon tenjeri ae sanbejek dima tenjeran gamjak. Ae miñat eyo anjek soñnok an dakon wuwigi gagwan ae sanbejek dima noman tokdañ. Kalip moneñ ilit amingo miktimi amin morap da dabilon wukwisi da egipgwit. Gak amin panjilit wasok mibili mibili anjek miktimi miktimi dakon amin top panjkewalgil."

²⁴ Piñkop da karban unun kokup pap da kombi amini

18:20: GT 32.43; Ais 44.23; Jer 51.48 **18:21:** Jer 51.63-64; Esi 26.21

18:22: Ais 24.8; Esi 26.13 **18:23:** Jer 7.34; 16.9; 25.10 **18:24:** Jer

51.49; PA 17.6

dapgut ae miñat amin kabini dapgut dakon gulusuñni madepsi tañ imisak. Ae miktimon miñat aminyo uwal da dapba kimakgwit, unun dakon gulusuñni kisi Babilon dogin tosok.

19

Amin da Babilon tasik tagit unun do kisik kisik awit

¹ Ae unun da kwenon, amin morapmi Kwen Kokup egek madepsi yañ tidon dakon wuwik yombem nandagim. Yañ tidanjek yañ yawit, “Piñkop anñkisinol! Nin dakon Piñkop unun dagin nin yokwikon bañ timikgit. Unun man madepni tonj ae tapmimni tonj. ² Asisi, Piñkop gen kokwini unun wagil bamisi ae kilegisi gin asak. Yumabi miñat madep unun da miktim amin morap gat yumabi anpak anek panupbal agit. Yañ agit do Piñkop da kobogi yokwisi imisak. Miñat unun Piñkop dakon pi monji dapban kimakgwit, do kobogi imisak.”

³ Ae yañ tidanjek yawit, “Piñkop anñkisinol! Kindap da unun kokup pap sogit dakon mukwani dagok dagogi mini wigisak!” ⁴ Kila amin 24 kabi gat, ae yo 4 kabi egip egipmi tonj ñwakbeñ anek Piñkop kila amin madep yityit tamonikon yigakwan gawak imgwit. Anek yañ yawit, “Unun asi. Piñkop anñkisinol!” ⁵ Ae Piñkop dakon kila amin madep yityit tamokon da amin kinda da yañ tidanjek yañ yagit, “Piñkop dakon pi monji, Piñkop do pasalek ekwanj amin, ji amin mani mini ae mani tonj, ji Piñkop anñkisini!”

Sipsip Moniñ miñat panjakwan jap noknok madep awit

⁶ Ae amin morapmisi da yañ, gen yañba nandagim. Wuwikni unun pakbi madepsi pokdok unun dakon wuwik yombem. Ae unun kiririn da yañ madepsi yawit. Unun da yañ tidanjek yañ yawit, “Piñkop anñkisinol! Amin Taginin

Piŋkop Tapmim Ami kila amin madep egek pini asak. ⁷ Kili Sipsip Moniŋ da miŋat pakdisak dakon bisap kili noman tosok, ae miŋat iyi kili tagap tak da egisak, do butnin tagisi anakwa kisik kisik madepsi anek mani yaŋ anksineŋ. ⁸ Piŋkop da imal kwakwagisi tagisi, tenŋeni madepsi, ae gwaljiŋi mini unun miŋat do imgut.” (Unun imal kwakwagisi ae tagisi unun Piŋkop dakon amin da anpak kilegiŋi awit dakon tilak asak.)

⁹ Ae anelo da yaŋ nayigit, “Gen yaŋ mandaki: ‘Amin unun Piŋkop da Sipsip Moniŋ da miŋat pakdisak da soŋnok madepmon kini do yaŋ yomisak unun amin kisik kisik tagi ani.’” Ae sanbenek yaŋ nayigit, “Gen on Piŋkop dakon gen bamisi.” ¹⁰ Kili nak anelo dakon kandap da kapmatjok ŋwakber anek gawak im do agim. Mani yaŋ nayigit, “Yaŋ dima abi! Gak gat ae not kabigo gat da Yesu da gen yaŋ tenŋenagit unun nandan gadan amin kabi, ji da Piŋkop oman animan, unuden gin nak kisi oman amini gin, do Piŋkop nan gawak ibi. Nin nandan, Yesu Kristo da gen yaŋ tenŋenagit, unun dagan amin panŋagap aban kombi gen yon.”

Jon da amin kinda os kwakwagikon yikban kagit

¹¹ Nak kanapbo Kwen Kokup witdal kigit. Anakwan os kwakwagi kinda akban kagim. Unun oskon amin kinda yigit, mani unun yaŋ: Pini Do Butdasi Nandanek Anegisak Amin, ae Anpak Bamisi Asak Amin. Gen kokwin pi asak, ae emat asak, unun anpakni kilegiŋi nan yolek asak. ¹² Dabilni unun kindap dakon milen asip yombem, ae busunikon kila amin madep dakon pelit morapmi tan imgwit. Giptimikon man kinda mandawit. Iyi gin kalon

da man unun nandisak, amin diwari dima nandar. ¹³ Imal dubak pagit unun yawi madepsikon anjbm abi nan pagit. Mani unun Pinjkop Dakon Gen. ¹⁴ Kwen Kokup dakon emat amin unun osni kwakwagi unudon yigek yol anjan kiwit. Imal kwakwagisi gwaljigi minisi ban pawit. ¹⁵ Emat agak siba geni tepmisi kinda, gen kaganigwan da wigit. Unun emat agak siba nan amin kabi morap miktimi miktimi egi anjan kwan unun pabij yopdisak.

“Ain kirij nan abidanjek amin kabi morap kilani tebaisi akdisak.”

Yan anjek wain sop pinjtil tip gapmakon wain sop bamanj tildisak. Unun Pinjkop Tapmim Ami dakon butjapni dakon tilak asak. ¹⁶ Imal dubaknikon, ae sunjlikon man yan mandabi: “Kila Amin Madep Dakon Kila Amin Madepni, ae Amin Tagi Dakon Amin Tagini.”

¹⁷ Ae gildaron ajelo kinda akban kagim. Unun da minam kwen binap akwan do yan tidanjek yan yoyigit, “Ji Pinjkop dakon jap noknok madep do abij muwutni. ¹⁸ Anjek kila amin madep dakon giptim timni noni, ae emat amin dakon mibiltok amini dakon giptim timni noni, ae amin tebai dakon giptim tim, ae os gat ae amin os kwenon yikgan amin dakon giptim tim, ae amin morap kisi dakon giptim timni noni: oman dima ekwan amin, ae oman amin, ae amin man mini, ae amin mani toj kisi dakon giptim tim noni.”

¹⁹ Ae jon kilap yokwisi gat, ae miktimi miktimi dakon kila amin madepni gat ae emat amini gat da abij muwukgwit. Unun amin unun oskon yikgit gat ae emat amini gat emat wam do anjek muwukgwit. ²⁰ Mani jon kilap yokwisi unun gat ae kombi amin toptopmi gat timikgwit.

19:13: Ais 63.1-3; Jn 1.1,14
17.14

19:15: Kap 2.9; PA 1.16; 14.20
19:17: Esi 39.17-20

19:16: PA

19:20: PA 13.12-17; 20.10

Kombi amin toptopmi unjun joŋ kilap yokwisi da dabilon wasok tapmimi toŋ morapmi anjek amin panjekwalban tilakni abidawit, ae wupni wasanŋbi do gawak imgwit. Joŋ kilap yokwisi gat kombi amin toptopmi gat dima kimagek egakwal gapma madep tip salfa unjungwan tugawit da sosok unjungwan maba pigigimal. ²¹ Anjakwa amin unjun oskon yikgit, unjun da emat agak siba gen kaganikon tagit unjun naŋ joŋ kilap yokwisi dakon emat amini kisi morap dapban kimakgwit. Anjakwan minam morap da unjun emat amin dakon giptimni nanek buri tugawit.

20

Sunduk bilak 1 tausen yaŋ dam tebanon egipgut

¹ Kili kaŋapbo anelo kinda Kwen Kokup yipmanŋ pigit. Kisirikon gapma kidagi mini dakon yoma witdal abidagit, ae nap teban madepsi kinda kisi abidagit. ² Unjun da nugim yokwisi madep kalipsigwan egipgut unjun abidagit. Mani kinda Koŋ, ae mani kinda Sunduk yaŋ yoŋ. Anelo da nap teban naŋ wamaŋ anteban aban bilak 1 tausen egipgut. ³ Kili anelo da maban gapma kidagi minikon pigigit. Pigakwan gapma unjun dakon yoma sopmanek tebaisi anteban agit. Miktim amin morap aripmi dima panjekwaljak, yaŋ do agit. Unjun bilak 1 tausen mudanjanwan don yipmanŋ dekba bisap pisipmisok galaktoknikon egipdisak.

⁴ Ae kila amin madep yityit tamo pindakgim. Unjun tamokon amin unjudon yikgwit. Pinŋkop da gen kokwin ani do yaŋ mudanŋ yomgut. Ae amin uwal da tegi mandanŋ daganek dapba kimakgwit, unjun dakon wupni pindakgim. Kalip unjun amin da Pinŋkop dakon gen tebaisi abidanek, Yesu do yaŋ tenŋerjok anjakwa uwal da dapba kimakgwit.

Uñun amin joñ kilap yokwisi gat ae wupni wasarñbi gat do dima gawak imgwit, ae uñun dakon tilakni inamnikon ae kisitnikon dima timikgwit. Uñun amin egip egip aeni abidanjek Kristo gat kila amin madep egakwa bilak 1 tausen agit. ⁵ Uñun wasok wasok amin kimoron da pidon amin. (Amin diwari kimakgwit uñun bisapmon egip egip dima abidawit. Uñun bilak 1 tausen mudanjakwan don egip egip abidokdaj.) ⁶ Amin uñun wasok wasoksi aeni pidoni amin uñun kisik kisik tagi ani. Piñkop da uñun amin iyi do manjigit, do kosiri kinda gat aripmi dima kimotdaj. Uñun Piñkop ae Kristo dakon mukwa sogok amin egek Kristo gat bilak 1 tausen kila amin madep egipdaj.

Sunduk tasik tagit

⁷ Bilak 1 tausen uñun mudanjakwan, gapma kidagi mini dakon yoma witalakwa Sunduk dam tebani yipmaj abigikdisak. ⁸ Uñun wanga abigek minjat aminyo miktimi miktimi ekwan uñun panjekwaldisak. Uñun amin kabi mani Gok ae Megok yan yoñ. Sunduk da emat ani do panmuwutdisak. Emat amin kabini dakon tilakni uñun tap kidipminjon niman toñ yombem morapmisi. ⁹ Uñun miktimi miktimi da apgwit. Abiñ Piñkop dakon minjat amin kabi gat ae kokup pap Piñkop da si galak tar imisak uñun gat angwasiwit. Mani Kwen Kokup da kindap da piñ emat amin uñun soñ yoban mini awit. ¹⁰ Sunduk da amin panjekwalgit, do Piñkop da Sunduk maban gapma madep tip salfa tepmisi soson uñudon pigigit. Joñ kilap yokwisi gat ae kombi amin toptopmi gat uñun bamot uñun gapmakon kili egipgumal. Uñun amin kapbi kalbi ae gildari

tepmi madepsi bisap mudok mudogi mini panjegipdan teban.

Gen pi madepsi noman tagit

¹¹ Ujun da kwenon kila amin madep yityit tamo madep kwakwagi kinda tarban kagim. Ae unjun tamokon amin kinda yikban kagim. Anjakwan miktim gat ae kundu gat yipmanj dek kigimal. Ae sanjbejek dima tagimal. ¹² Amin kimakbi pindakgim. Ujun amin mani toj, ae mani mini, unjun kila amin madep yityit tamokon noman akgwit. Kili anjelo da papia di kwini kwit. Ae papia kinda kisi kwini kwit, unjun egip egip dakon papia. Anjakwan Pinjkop da unjun papiakon gen tawit unjun pindagek amin kimakgwit unjun dakon anjak kalip awit unjun kokwin agit. ¹³ Ae amin kalip tap idapgan kimakgwit unjun kisi Pinjkopmon kwa anjak morap kalip awit unjun kokwin agit. Ae kimot gat ae Amin Kimakba Yopbi Tamo unjun bamot yum pindagakwal amin kimakgwit unjun Pinjkopmon kwa amin kalonj da anjak kalip awit unjun pindagek kokwin agit. ¹⁴ Kili kimot gat ae Amin Kimakba Yopbi Tamo unjun maban pakbi idap kindap sosok unjudon pigigimal. Pakbi idap unjun kindap sosok unjun amin kosiri kinda gat kimokgonj dakon tamoni. ¹⁵ Amin morap mani egip egip papiakon dima toj unjun kisi maba pakbi idap kindap sosok unjudon pigiwit.

Pinjkop da yo morap panjaluk akdisak
(Kilapmi 21-22)

21

Kundu kalugi gat ae miktim kalugi gat pindakgim

¹ Uñun da kwenon nak kundu kalugi gat ae miktim kalugi gat pindakgim. Kundu mibiltogi gat miktim mibiltogi gat uñun kili wagil kin pasilgimal. Ae tap idap sanjenek dima tagit. ² Ae Pinjkop dakon telagi kokup pap uñun kagim. Uñun Jerusalem kalugi. Uñun koko Pinjkop gat egipgumal, da Kwen Kokup yipmanj dek pigit. Uñun tilimni tagisi, miñat da amin pak do tagap tajeñ tilimni tagisi pasak uñuden. ³ Ae kila amin madep yityit tamokon da amin tek kinda madepsi yanj tidanban nandagim, “Nandani. Abisok Pinjkop dakon yut amin da binapmon tanjakwan iyi dakon miñat amin kabini egipni. Asi, Pinjkop iyi uñun gat egipdarj. Añek uñun dakon Pinjkopni egipdisak. ⁴ Uñun kabikon kunam pakbi morap dabilikon toni uñun kisisi wiririkban kunam sanjenek dima tatdarj. Ae amin sanjenek dima kimotdarj, ae but yokwi añek sanjenek kunam dima tatdarj, ae tepmi sanjenek dima pakdarj. Nido miktim kalipmi gat yoni kalipmi gat uñun kisisi pasil mudokdarj.”

⁵ Amin uñun kila amin madep yityit tamokon yikgit, uñun da yanj yagit, “Nandani, yo morap abo kalugi anj mudonj.” Aeni sanjenek yanj yagit, “Gen on mandaki. Nido gen gayisat uñun bamisi. Amin morap kisi da uñun do tagi nandarj gadagi.” ⁶ Yanjek yanj nayigit, “Pi uñun mudosok. Nak Wasok Wasoksi ae Mibisi egisat. Pi morap asat uñun wasip ananj asat. Amin kinda tegi bap tosak kanj, nak da yipbo pakbi dabil egip egipmi tonj ae yumanj nogi mini uñun nosak. ⁷ Amin kinda emaron teban tosak kanj, nak da uñun yo morap ibenj. Añek nak da Pinjkopni egapbo uñun

21:1: Ais 65.17; 2Pi 3.13 **21:2:** Ais 52.1; 61.10; Ibr 11.16; 12.22; PA 3.12

21:3: MS 26.11-12; Esi 37.27; Sek 2.10; 2Ko 6.16 **21:4:** Ais 35.10; 65.19;

PA 7.17 **21:5:** 2Ko 5.17 **21:6:** Ais 55.1; Jer 2.13; Jn 7.37; PA 1.8,17; 22.17

21:7: 2Sa 7.14; 1KAG 17.13; Kap 89.26-27

da monjino egipjak. ⁸ Mani amin pasalek duwalik pukwan, ae nandan gadat dima an, ae anpak yokwisi morapmi an, ae amin dapba kimokgon amin, ae amin yumabi an, ae sot mawomyo anek yo tapmimi ton pawilgan amin, ae kokup kidat do gawak yoman amin, ae amin morap top yon, unun iyi da kokupmon pigikdan. Unun pakbi idap kindap tepmini madepsi salfa tip da soson unun. Unun amin kimot kosiri kinda gat an unun dakon tamoni.”

Jon da Jerusalem kalugi kagit

⁹ Kili anelo kinda nagon apgut. Anelo unun anelo 7 kabi idap madepmon Pinjkop dakon butjap mudosak do amin panjupbal ak dakon yo yokwisi 7 kabi timikgwit unun kabikon nani kinda. Anelo yan nayigit, “Gak apbi Sipsip Moni dakon minatni abisok pakdisak unun goliko.”

¹⁰ Kili Telagi Wup da butnokon pigi madepsi tugajakwan anelo unun da nak bedan anki ilerj madepsi ae kwensi kinda unudon nepgut. Anki nepmanek Pinjkop dakon kokup pap Jerusalem noligit. Unun koko Pinjkop gat egipgumal, da Kwen Kokup yipman dek pinban kagim. ¹¹ Pinjkop dakon tilimi madepni unun kokup papmon tenjenagit. Tenjenini unun njwakjwarisi, tip yuman nogi wukwisi dakon tenjenini yombem. Unun tip jaspayombem da yan tenjenagit. Unun glas yombem gwaljigi minisi. ¹² Kokup pap yoma nagalni unun kwensi. Unun yoma kagani 12 kabi, ae anelo 12 kabi unun yoma kagakon akgan. Anakwa Israel amin kabi 12 dakon man yoma domon tawit. ¹³ Nagal unun dakon diwari gildat da wisak tetgin do yoma kagani kapbi tawit. Ae not tetgin nani do yoma kagani kapbi tawit. Ae saut tetgin nani do yoma kagani kapbi tawit. Ae nagal unun dakon diwari gildat da

21:8: Mt 25.41; PA 20.15; 22.15

21:10: Esi 40.2

21:11: Ais 60.1-2,19

21:12: Esi 48.30-35

pigisak tetgin nani do yoma kagani kapbi kisi. ¹⁴ Kokup pap unun dakon nagal tebaisi tosak do kwinjiri tip daman 12 kabi mibilikon tawit. Sipsip Monin dakon yabekbi 12 kabi dakon mani unun tipmon tawit.

¹⁵ Anjelo gen nayigit unun da kalin kirin gol ban wasanbi kinda abidagit. Unun nan kokup pap gat, ae nagal madepni unun gat, ae nagal unun dakon yoma kagani tilak yop do abidagit.

¹⁶ Kokup pap dakon ileji 4 kabi dakon tilakni unun kalonji gin. Dubagini ae madepni unun kisi aripnginsi. Anjelo da kokup pap kalin kirin ni nan tilak yipban 2,200 kilomita da arip agit. Kokup pap dakon ileji 4 kabi dakon tilakni gat, ae kokup pap dakon kwen nani kisi dakon tilakni unun aripnginsi. ¹⁷ Ae kokup pap dakon nagal kisi tilak yipgut. Yan aban nagal kwen wigigit dakon tilakni 65 mita da arip agit. Tilak yopyop unun amin da tilak yopmangan unun nanjin anjelo da nagal dakon tilak yopgut.

¹⁸ Kokup pap dakon nagal unun tip jasper ban wasanbi. Anjek kokup pap unun gol jimjimi minisi ban wasanbi. Kokup pap unun dakon gol unun glas yombem gwaljigi minisi. ¹⁹ Kokup pap dakon nagal dakon teban tokni unun Pinjokop da tip yuman nogi wukwisi mibili mibili unun ban panjilim agit. Tip 1 tagisi nagal mibilon tagit unun tip jasper. Ae tip 2 unun tip pili unun tip sapaia. Ae tip 3 unun tip aget. Ae tip 4 unun kalikaligi, unun tip emeral. ²⁰ Ae tip 5 unun tip sadonikis, unun gami kwakwagi kisi. Tip 6 unun tip giman konilian. Ae tip 7 unun kilonkilonji, unun krisolait. Ae tip 8 unun tip kalikaligi njwaknjwari kinda unun beril. Ae tip 9 unun tip kilonkilonji njwaknjwari kinda unun topas. Ae tip 10 unun tip krisopres. Tip

11 unjun tip aiasin. Ae tip 12 unjun tip gami ŋwakŋwari kinda tip ametis. ²¹ Yoma kaga 12 kabi unjun pel 12 kabi, unjun kindirin yumaŋ nogi wukwisi. Yoma kalon kalon pel madep kalon kalon baŋ wasaŋbi. Kokup dakon kosit pap unjun gol baŋgin wasaŋbi. Gol unjun gwaljigi minisi glas yombem.

²² Unjun kokup papmon Telagi Yut Madep kinda dima taŋban kagim. Nido, Amin Tagi Piŋkop Tapmim Ami gat ae Sipsip Moniŋ gat da iyi Telagi Yut Madep da yaŋ egipgumal. ²³ Unjun kokup papmon gildat gat kanek gat pini mini. Nido, Piŋkop dakon tilimni da kokup pap tenŋeŋaŋ imisak. Aŋakwan Sipsip Moniŋ unjun kokup pap dakon lamni da yaŋ egisak. ²⁴ Amin miktimi miktimi egi aŋaŋ kwaŋ da unjun kokup pap dakon tenŋeŋikon agipdaŋ. Aŋakwa miktimi miktimi dakon kila amin madep da yoni tagi unjun yumaŋ nogi wukwisi unjudon paŋopdaŋ. ²⁵ Unjun kokup papmon pilin kinda dima tokdisak, do kokup pap dakon nagal dakon yoma dagok dagogi mini pisokdaŋ. ²⁶ Amin miktimi miktimi egi aŋaŋ kwaŋ unjun yoni tilimi tagisi toŋ gat ae man madep imim aŋpakni kisi timigek unjudon paŋopdaŋ. ²⁷ Mani pilin tuk dakon yo gat, ae amin aŋpak yokwi mibili mibili aŋ gat, ae top yoŋ amin unjun kokup papmon dima pigini. Miŋat aminyo Sipsip Moniŋ dakon egip egip papiakon mani toŋ, unjun daŋin unjun kokup papmon pigikdaŋ.

22

Jon da egip egip pakbi gat ae egip egip kindap gat pindakgit

21:23: Ais 60.19-20; PA 22.5

21:24: Ais 60.3,5

21:25: Ais 60.11

21:27: Ais 52.1; Esi 44.9; 1Ko 6.9-10

¹ Kili aņelo uņun da pakbi madep kinda noligit. Uņun egip egip yomyom pakbi. Uņun glas yombem gwaljigi minisi agit. Pakbi uņun Piņkop gat ae Sipsip Moniņ gat da kila amin madep yit yit tamogwan da pak abigisak. ² Pak abigi kokup pap da kosit madep da binapsi naņ pak kisak. Pakbi da ilerņi teri teri egip egip yomyom kindap akdak. Kindap uņun bilak kinda da butgwan bami pot do kosiri 12 yaņ aņ aņ asak. Kanek morap kisi bami taņ taņ asak. Ae kindap uņun dakon tami uņun amin miķtimi miķtimi egi aņaņ kwan uņun sotni paņmilip ak do toņ. ³ Yo morap jobit pabi uņun yo morap saņbeņek ae dima tokdaņ. Piņkop gat ae Sipsip Moniņ gat dakon kila amin madep yityit tamo uņun kokup papmon tosak. Ae Piņkop dakon oman amin da gawak imdaņ. ⁴ Gawak imiņek tomno dabilni kokdaņ, ae Piņkop dakon mani oman amini da iņamnikon tokdisak. ⁵ Pilin ae saņbeņek dima tokdisak. Aņakwan lam gat ae gildat gat pini mini, nido Amin Tagi Piņkop da iyi miņat amin teņteņaņ yomdisak. Aņakwan oman monjini kila amin madep dagok dagogi mini egi wigikdaņ.

⁶ Aņelo uņun da yaņ nayigit, “Gen uņun bamisi. Amin morap kisi da uņun do tagi nandaņ gadagi. Piņkop Amin Tagi da kombi amin dakon wup paņtagap aban geni yaņ teņteņoņ. Uņun aņeloni yabekban abiņ yo tepmisi noman togi uņun oman monjini nin noligit.”

Yesu apdisak

⁷ Yesu da yosok, “Nandani! Nak kili uņunjok apdisat. Miņat aminyo kombi gen on papiakon toņ uņun gu-ramikgaņ, uņun kisik kisik ani.”

22:1: Esi 47.1 22:2: WW 2.9; Esi 47.12; Jol 3.18; Sek 14.8 22:4: Mt 5.8; PA 3.12 22:5: Dan 7.18,27; PA 5.10; 20.6; 21.23,25 22:6: PA 1.1
22:7: PA 1.3

⁸ Nak Jon da gen on nandanej yo unjun pindakgim. Yo unjun nandanej pindakyo an mudanej anelo unjun yo morap noligit unjun da kandap mibilon njwakbenj anek gawak im do agim. ⁹ Mani yan nayigit, “Yan dima abi! Nak kisi oman amin gin. Nak gak gat ae kombi amin kabi notgoni unjun dakon pi isalji, ae amin morap on papiakon gen toj unjun guramikganj amin unjun dakon pi isalni. Pinjkop kalon nanjin gawak ibi.” ¹⁰ Yan nayinek sigin yan yagit, “Kombi gen on papiakon toj unjun dima sopmanj anteban abi. Nido, Pinjkop da yo morap unjun akdisak dakon bisap kili kwanj tak. ¹¹ Amin anpak yokwi anj, unjun yum pindagakwa sanbejek ani. Ae amin anpak injan injani anj, unjun yum pindagakwa sanbejek ani. Ae amin anpak kilegisi anj, unjun yum pindagakwa sanbejek ani. Ae amin telagi ekwanj, unjun yum pindagakwa telagi sigin egipni.”

¹² Yesu da yan yagit, “Nandani, nak tepmisi apdisat. Minjat amin morap tomni yom do apdisat. Anpak awit dakon kobogi do tomni anpak awit da aripmon yomdisat. ¹³ Nak Wasok Wasoksi ae Mibisi egisat. Nak mibiltok egisat, ae bujonsi egisat. Nak yo morap dakon mibili. Pi morap asat unjun wasip anj anj asat.”

¹⁴ Amin pabi pigik dubakni sugonj unjun kisik kisik tagi ani. Unjun da egip egip yomyom kindap dakon bami tagi panj noni, ae unjun da kokup pap da yoma kaga nanj tagi pigini. ¹⁵ Anjkwaw amin anpak yokwisi anj amin gat, ae amin sot wamwam anek yo tapmimi toj pawilganj amin gat, ae yumabi anj amin gat, ae amin dapba kimokgonj amin gat, ae kokup kidat gawak imanj amin gat, ae amin anpak toptopmi do galak tanej yolganj, unjun amin morap Pinjkop dakon kokup pap da wanga egipdanj.

¹⁶ “Nak Yesu, nak da arjelono yabekgo jikon obik da panmuwukbi jikon gen on yaŋ teŋteŋosok. Nak kila amin madep Dewit da babi kabikon da gugi wugit uŋun nak mani. Ae nak Dewit Dakon Monji, ae nak Wisawisa Dakon Gik Pap Madepsi Teŋteŋosok uŋun.”

¹⁷ Telagi Wup gat ae miŋat uŋun Sipsip Moniŋ pakdisak gat da yaŋ yomal, “Gak apbi.” Ae amin morap gen on nandani ji kisi yaŋ yoni, “Gak apbi.”

Amin kinda tegi bap tosak kaŋ tagi apjak. Amin kinda pakbi nok do nandisak kaŋ, uŋun amin abiŋek egip egip yomyom pakbi tagi nosak. Uŋun Piŋkop da but galak do yumsi nimisak.

Jon da gen on papiakon toŋ uŋun nandani amin do gen tebaisi yipgut

¹⁸ Nak da on papiakon kombi gen toŋ uŋun nandani amin morap do gen tebai yipmandat. On gen tosogon amin kinda gen kinda gat saŋbesak kaŋ, amin paŋupbal ak yo yokwisi on papiakon toŋ, uŋun Piŋkop da saŋbeŋban uŋun aminon noman taŋ imdaŋ. ¹⁹ Ae amin kinda da kombi gen on papiakon toŋ di wiriritjak kaŋ, Piŋkop da yo tagisi on papiakon toŋ uŋun wiririk imjak. Anjakwan uŋun amin egip egip yomyom kindapmon jap dima paŋ nosak, ae Piŋkop da telagi kokup papmon uŋudon dima egipjak. On papiakon uŋun dakon geni toŋ.

²⁰ On yo morap do yaŋ teŋteŋok asak amin da abisok yaŋ yosok, “Asisi, nak kilisok uŋun apdisat.”

Asi, Amin Tagi Yesu gak apbi. ²¹ Amin Tagi Yesu dakon nandaŋ yawotni uŋun Piŋkop dakon miŋat amin kabikon tosak.

22:16: IDT 24.17; Ais 11.1,10; Ro 1.3; PA 2.28; 5.5 **22:17:** Ais 55.1; PA 21.6

22:18: GT 4.2; 12.32 **22:20:** Mt 24.30-31; 1Ko 16.22

PIŃKOP GEN
The New Testament and Psalms in the Yopno Language of Papua
New Guinea
Nupela Testamen na Buk Song long tokples Yopno long Niugini
copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 19 Oct 2021 from source files dated 17 Oct 2021

b683ce50-d820-5bfc-8471-d8ee080be106